

P. o. germ. 745 hba



Gedichte

In

pfälzischer Mundart.

Von

Franz von Kobell.

Dritte, stark vermehrte Auflage



München.

Literarisch=artistische Anstalt
der J. G. Cotta'schen Buchhandlung.

1849.

56 B 5

Kobell. Gedichte



Buchdruckerei der J. G. Cotta'schen Buchhandlung in Stuttgart.

Inhaltsanzeige.

	Seite
Vorwort wege' der Schreibart	1
'S Lob vun Binge'	2
Die zwee Birebeem	4
Mulate'klaach	8
Mittel gege' die Dichter	10
Entschuldigung	12
Wie die kleene Bube' lerne'	13
Stee' un' Gedicht'	17
Vun der Lieb'	19
Die Muschterung	21
Die Gemsejagd	23
Der pedantische Lehrer an de' junge' Dichter	25
Die Zeit	27
Die Mädcher	30
Werbung	32
Die Bett'	33
Die Genigkeit	35
Der Student un' der Deubl	36
Vun der Natur	40
Noth an Poesie	42
Ständche	44
An de' Champagner	46

	Seite
Von der Sunn'	48
Ora et labora	51
Reef'hinnerniß	54
Die Diener	55
Der Koch	58
Lebenskunst	59
'S romantische Mädchen'	61
'S Meer	63
Lob der El'bildung	66
Der Winter un' die Nix	69
'S Kindsmädchen'	79
'S Hedlbergerfaß	81
Als noch 'n Schoppe	82
Conjugations = Zelte' for mei' Contemporain's	84
Der Läscherer	85
'S Diner	87
Die Ring'	88
Der unglückliche Dichter	91
Bum e' Gaul	93
Der Bankozettel un' der Dukat	95
Der Name'	97
Der Mensch	99
Der alte Herr	101
Welli kriecht de' Mann?	103
Mei' Mädchen'	105
E' Froch' (Frag)	107
Der Verliebte	109
Die Auswanderer	112
Wie e' Volk sey' soll	114
Die interessant' G'schicht'	115
Der Stimmenschlüssel	118
'S Herz	120
Der Schnecke'peter vun Manne'm (Mannheim)	121

	Seite
Die Christnacht	124
Für die Langweil'	126
Der Jäger	128
An die Rhein-Traube'	130
Der Heurathsantrag	133
Vum Frühjohr	135
'S Bilderbuch	137
Die zwee Gelehrttthuer	139
Jugend- Erinnerung	140
Der Jopp	142
Die Drei im Keller	144
Der rheinische Hof	146
Die Warnungstaff	148
Vum gute Humor	149
So sin' se	152
Die Boutelle'	154
'S Lichte'	156
Die Bedingung	158
Die drei große Herrn	160
Martin Luther	163
'S Mädchen' un' der Dämon	165
Die Weiber	168
Der Dombachant vun Hochheim	170
Wann's Krieg git	172
Vum Wei'	173
Der Vater an de' reesluschtige Sohn	175
Der Orange'baam	177
Der Dichter	179
'S Ultimatum	181
Der Weiberbarometer	184
Die Poesie	186
Die Wein' un' der Bacchus	189
Der Student	193

	Seite
Der Schrecke'	196
Der Stee' der Weise'	198
Der erschthafte Mann	200
'S Blümche'	202
Die subline' Geischer	204
Mein, nee, na	206
Der Dunscht am Champagnerglas	207
Der Pfälzer und der Bayrischzeller	209

Vorwort wege' der Schreibart.

•
Wer kann 'n liebe' Glocke'klang
So schreibe' wie er klingt,
Un' wer kann schreibe' mit der Schrift
Wie schö' en' Amfl singt,
Deß kann mit aller Müß fe' Mensch,
Denk' nor e' bische' nōch,
Un' wie mit Glock' und Voßlsang
Is's mit der Pälzer Sprōch.

'S Lob vun Binge'.

Die herrlichst' Gegend am ganze' Rhei'
 Deß is die Gegend vun Binge',
 Es wachst der allerbeschte Wei',
 Der Scharlach wachst bei Binge'.

Die g'schickt'schte Schiffleut' die mer find't,
 Deß sin die Schiffer vun Binge',
 Un' sicht mer in Meenz e' hübsches Kind,
 Wo is es her? Bun Binge! -

Re' Loch is uf der ganze' Welt
 So berühmt wie deß vun Binge',
 Re' Thorn so fest in's Wasser g'stellt,
 Wie der im Rhei' bei Binge'.

Die Mäuf' vum Bischof Hatto, sich!
 Ein g'schwumme' bis noch Binge',
 Re' G'schicht' war je so ferchterlich,
 Wie selli dort bei Binge'.

Un' die heilig' Hildegard die war
 Halt aach drheem in Binge'
 Un' war Nebtiffin dort sogar,
 Deß Alles war in Binge'.

Es is e' wahri Herrlichkeit
 Deß liebe fleene Binge',
 Mei' Vater und Mutter un' all' mei' Leut'
 Ja mir sijn all' vun Binge'!

Die zwee Birebeem.

Schön Hanneke un der Vater siße'
 Im Garte' vor'm Haus,
 Es is e' schöner Summerobed,
 Die Katz' guckt obe' 'raus.
 Do sächt der Vater: Liebes Kind,
 Ich bitt' dich, loß den Friß,
 Dann du hoscht nix und er hot nix,
 Un wo nix is, do werd aach nix,
 D'rum loß du mir de' Friß.
 Schön Hanneke fangt zu weine' an,
 Sie hot den Friß so gern,
 „Ach Vater, kann ich vor die Lieb',
 Ich bin jo ke' Latern,
 Was in mir brennt, des bloost mer nit
 Als wie e' Lichtche' aus,
 Und derf der Friß nimmer zu mir,
 So laaf' ich aus'm Haus.“
 Der Alte brummlt in de Bart,
 Der Friß wär' jo schun recht,

Doch sich, mei' Kind, wo gar nix is,
 Geht jedes Metier schlecht. —
 Wasch' aber weiß 'n schwarze' Mohr,
 Do gebt ke' Wasser aus,
 Die Lehr' ging 'nei' bei'm eene' Ohr,
 Bei'm annre' widder 'raus.
 Emol bei ihr'm Fritsche' sitzt
 Des Hannche' gar bequeem,
 Im Garte' war's so schön und kühl
 Zwische' zwee Birebeem.
 Sie wechsle' manches Rische' do,
 Wie halt Verliebte sin,
 Do guckt des Kind vun ungefähr
 Zum Garte'thürche' hin:
 Der Vater kummt! — Der Frits nit lahm
 Springt wie e' jungi Ratz'
 G'schwind uf den eene' Birebaam,
 Do is e' sich'rer Platz. —
 Der Vater hot e' schweri Hack
 Und sächt zu seinem Kind,
 Mir hot e' großer Schatz getraamt,
 Vielleicht das ich 'n find';
 O Eng'lche' hot zu mir gsacht
 Geh zu de' Birebeem,
 Den große' hackst de um, geb' Acht,
 Du bringscht e' Sümme' heem.
 Unner dem Baam sei'm Worzlwurf

Hebscht de e' groß' Rischt,
 Ke' Kroßmog'l war je so reich,
 Als du dernocher bischt. —
 Ach Gott der schöne Birebaam,
 Sächt Hannche, kann's nit sehn,
 Die Großmutter hat 'n geplantz,
 Wie käm' e' Rischt do 'nein,
 Der fleene aber alt un dick
 Macht e' verdächtichs G'sicht,
 Geh Vater, hack' den fleene' um,
 War weesß, was d'runner liecht. —
 Des is schon wohr, der Alte sächt,
 Der groß' oder der flee,
 Desß weesß ich selber nimmer recht, —
 „Ach Vater, 's is der flee!“
 Und wie der Vater hackt un hackt,
 Do werd' des Hannche roth,
 Ach heil'cher Christof, bett' se jess',
 Ach helf' mer aus der Noth,
 Ach mach' e' bische nor Miraakl,
 Dann sunscht git's heut 'n Weltspetaakl.
 Un hipp und hipp un bim un bum
 Un hipp un bim un bum,
 Uf emol laaft's un springt un hipt —
 Dufate' um und um.
 Gott's Bliß un Jub'l un fe' End',
 Desß war e' Herrlichkeit,

Do kummt aach glei der Frits gerennt
 Un guckt als wie nit g'scheut! —
 „Was thufcht dann du do, fächt der Alt',
 „Dich sah ich nit im Traam,“
 Do fächt sei' Kind: Desß is der Schatz
 „„Bum grose Birebaam.““ —
 Jetz' merkt der Alte wohl den Piff
 Und nemmt se bei der Hand,
 A Pärche werre' se wie eens
 Im schöne Bälzerland. —

Blieskascht'l heeßt der Ort, do steht
 Noch heut' der eene Baam
 Un Enflcher verzähle' sich
 Den alte' gute' Traam.

Mulate'klaach.

Weescht, was mer so gut an Augsborch g'fällt,
 Mit daß die Stadt so berühmt un alt,
 Nee, daß der erschte Gaschthof do
 Heest zu de' drei Mohre', des g'fällt mer so.
 Dann 's hot mer mei' Lebtag Verdruß gemacht,
 Daß mer die Mohre' so scheel betracht.
 Hot eener kee Farb', wie e' merbes Brot,
 Is er nit wie e' Hahnefamm blau und roth,
 Se heest's, der sicht doch aus uf e' Hoor
 Als wie e' gaschticher wischter Mohr.
 Un in der Kummedi do geb nor Acht,
 Wann eener amol en' Mohre' macht,
 So muß der Mohr e' Spißbu' sen',
 So schlaach doch e' Dunnerwetter d'rei!
 Und wer noch so alte G'schichte' molt,
 Wo en' armi Seel' der Deub'l holt,
 Der molt se gewiß, wie e' schwarzi Krot',
 Damit se nor was vum e' Mohre' hot.
 Schon mit de' drei König do fangt des a'
 Un do hot der Mohr doch nix Böses getha',

Aber als die annere die geh'n vor
 Un der hinnerachte des muß sen' der Mohr. —
 E' Mensch is e' Mensch, is er schwarz oder weiß,
 uf's Betraache' kummt's an un uf Ordnung un Fleiß,
 Drum g'fällt mer des Augsborch, es is schun wohr, —
 Dann mei' Vater des war jo aach e' Mohr.

Mittel gege' die Dichter.

Hab's oft gelesse' un gehört
 Un mancher hot sich schon beschwert,
 Daß's gar so viele Dichter git,
 Mer wiß' nimmer, wohin damit.

Ich find' juscht grad nix Uebl's drinn,
 Wann uf der Welt viel Dichter sin',
 Doch sollt's halt werflich nit so seyn',
 So fiel mehr wohl e' Mitt'l ei'.

Seht, derst ich wünsche', was ich möcht',
 So stünd's gewiß mit ihne' schlecht,
 Wollt' nor, ich könnt' e' Gärtner seyn'
 Un alle Blume' wäre' mei'.

Jetz weess mer wohl, mit welcher Gier
 A Dichter schnapt nach Blume'zier,
 Und do käm' ich mit dem malheur
 Un gäb' fee eenzichi mehr her.

Denkt den Spetaakl uf der Welt,
Un wie die arme' Narre' geprellt,
So ohne Bli un ohne Blum',
Wie wäre' do die Lehre' stumm.

Un 's ging schun, wann mer 's pouvoir hätt',
Hübsch zu taxire e' Bouquet,
So zwee Dufate jedi Ros',
Do hätt' mer gewiß e' Drittl los.

Doch nee, dann ebe' fällt mer ei',
Ich könnt' aach in dem Drittl sey',
Nee nee! nemm' Blume', wer nit blind,
Ich nehm' se aach, wo ich se find'.

Entschuldigung.

Es geht e' flee' Mäddche' um de' Tisch,
 Schenkt de' Wein ei',
 Gotts Blik, deß Mäddche hot viel zu thu',
 Die muß flink sey'!
 Un' Gener der trinkt in eem fort aus,
 'S will 'm schmecke',
 Es is, als thät e' dorschlicher Schwamm
 In 'm stecke'.
 Do sicht halt der Werth als leer sei' Glas:
 „Allons Fränsche!
 „Was is's dann, was schenkscht de' dem Herrn nit ei'.
 „Du flee' Gänsche,
 „So geb mer doch Acht, mir hocke' jo nit
 „Um e' Sparbix“ —
 „„Ja Vater gewiß, ich schenk' 'm als ei',
 „„Aber 's helpt nix.““

Wie die kleene' Bube' lerne'.

Bildcher aus'm Lebe'.

Lische, Lische;
 Halt e' bische,
 G'schwind e' Riße! —
 „Nee, wann's Jemand sehe' thät“ —
 Ei wie so,
 'S is Niemand do
 Als der Bu, der nix versteht! .
 (Ruß.)

Un dem Ruß guckt eener zu,
 Un des war e' fleener Bu'!

Dank for's Küßche',
 Hör'schte' Lische',
 Morche' gescht nit in die Kerch',
 Kumm'scht zu mir, geh'n mer spagire'
 D'robe' uf'm Karlsberch.
 Loß dem Paß sei' siebe' Sache',
 Mir sind jung un wolle lache'! —

Un do lache' se und lacht darzu
Ganz fideel der fleene Bu'!

Sapperment, heut' git's e' Fescht,
Johann! heut' git's was zu sause',
Des is uf der Welt des Bescht,
'S bleibt nit All' grad uf eem Hause'!
Wie die G'sellschaft voll gesoffe',
Gripps die drei Bouteillcher ich,
Denk mer, Georg jeh kummt's an dich
Und bin mit d'rnu' geloffe',
Hoscht du gar nix? — „Hab' aach eeni,
Un was for eeni,
Kee gemeeni,
Chateau marché, des ist e' Wein,
Bruder heut' wolle' mer luschlich seyn;
Si der flee Bu',
Do trink' Kleener, is gut for de' Maache',
Bescht de, muscht aber derheem nix saache'." —
Un do horcht gar fleißig zu
Un trinkt aach der fleene Bu'!

Ei die Kränk' du Deublsweib,
 Meenscht, ich soll mein Geld verdiene'
 Nor so for dein Zeitvertreib,
 Soll nor als die Fedder spize'
 Un de' Daach im Birro siße'
 For dei' Haube' un dei' Spitze',
 'S is mir aach der Nock zu knapp,
 Trach du nor e' Neb'lkapp! —
 „D du Gleechl!“ — Was heescht de mich?
 Wart' ich kumm un zwiebl' dich! — —
 Un dem Zwieble' guckt still zu
 Aus'm Eckche' der klee Bu'! —

Hoche' zwee alte Quatsche' beinanner,
 Wees als eeni mehr, als die anner
 Un sie rede' so hin un her,
 Des is e' Patron, do hab' ich Reschpekt,
 Was doch oft hinn'r eme Mensche' steckt,
 Der hot's fauschtbick hinner de' Ohre',
 Is als Heemtücker schon gebohre',
 Do steht er d'runne', horch' des Geficher,
 Is vor dem Lump ke Mädche' sicher,
 Un des' Saufe' de' ganze' Laach,
 'S wär' ke' Bunner, es träff'n der Schlaach,
 Sei' Fraa hot er um ihr Geld gebracht,
 Un jeh pricht er se, wann se was sacht! —

Un wen meene' dann die zwee
 Mit ihr'm prächtige ABC? —
 Sich! deß war vor zwanzich Johr
 Der fle e Bu', 's is werklch wohr!

Stee' un' Gedicht'.

Was e' guter Stee' is, e' ächter Stee',
 Der glantz un' strahlt for sich
 Un' braucht ke' Hilf mit Folie',
 Is edl innerlich,
 Was aber e' schlechter, falscher Stee',
 Der sicht nor ebbes gleich
 Wann Folieflitter hinner'm steckt
 Un' ringsrum goldig's Zeuch.
 Un' grad so is's mit de' Gedicht',
 E' gut's bleibt übrall gut,
 E' schlechts friecht nor e' bische' Glanz
 Wann 'm 'was helpe' thut.
 Was aber helpt? E' Folie?
 Gewiß, un' Gold? Ja wohl
 Um's Gold schun gar, do lobt mer viel
 Un' wär's aach leer un' hohl,
 Un' willscht, daß ich die Folie nenn',
 Ich glaab ich err mich nit,
 Servir' nor zu der Dichterei
 Nach gute' Champagner mit,



Do geh' emol Acht, wie schö' d'es machscht
Un' was e' Bravog'schrei,
Wann nor der liebe Traube'hanaworscht
Mit seiner Empfehlung drbei.

Vun der Lieb'.

Es hot e' Mädele g'sunge'
 Vun Amor, vun dem Dieb,
 Vun ihrem bange' Herze',
 Vun ihre' große' Schmerze',
 Un' 's thät so weh die Lieb'.

Der Amor, hot se g'sunge',
 Deß is e' böser Bu',
 Ich war jo so zufriede',
 Hab' alle Lieb gemiede'
 Un' hab' jek' gar fe' Ruh'.

Ich hab' 'n nit geruse',
 Er is e' frecher Jung',
 Ich hab nix vun 'm wolle',
 Er hätt' mich losse' solle'
 Mit seiner Peinigung.

Der Amor spißt die Ohre'
 Un' werd vor Aerger grü',
 Un' weil's 'n so verdrosse',
 So hot er se verlosse'
 Un' is wo anners hi'.

Ihr meent, daß do deß Mädl
 Nix bsunners dra' verlör',
 Ach nee, jeh' sîn die Thräne'
 Erscht kumme', Sorg' un' Sehne'
 War ärger als zuvor. — —

Ja, wer aach nor e' bißche' •
 Deß Liebe' hot gewöhnt,
 Der tragt's gar gern im Herze',
 Es is mit denne' Schmerze'
 So arg nit, als mer meent.

Die Aufschterung.

Die Welt is voll Betrug un' voller Hinnerlischt,
Die sin' vun A'fang a' gar dick enei' gemischt,
Un' 's ärgschte is der Mensch, dann so verstellt sich nie
Ke' Fuchs, ke' Krokodill un' aach ke' anner' Vieh.

'S is wohr, e' Kаз is falsch un' stehle' thut e' Hund
Un' um 'n Bär' der tanzt, is' doch ke' Spaß im Grund,
Un' 's schlacht e' Perd oft aus, eh's enner sich versicht,
Un' 's macht e' böser Aff' gar oft e' freundlich G'sicht;

Deß we eß' mer aber doch, un' 's fällt gewiß kemm' ei,
Sich! daß er meent, e' Bär' deß thät e' Schäfche' sey'
Un' daß e' Hund e' Kаз un' daß e' Aff' e' Kuh',
Dann soviel sicht mer doch, wer Lage' hot drzu.

Ganz anners is deß Ding, wann 's an die Mensche
geht,

Do is e' groösi Kunst, wann eener die versteht,
Do sicht e' Kabe'seel oft aus als wie e' Schwan
Un' hunnertmol e' Fuchs als wie e' Goldfasan.

Do tragt keen' Bottelpelz, wer juscht e' rechter Bär
 Un' 's griecht nit, was e' Schlang', geht oft gar flink
 drher,

Do heult nit, wer e' Wolf, un' brüllt nit, wer e' Stier,
 Jesh' lieber Freund d' erroths, was eener for e' Thier.

Es wär' so übl nit, wann so vun Zeit zu Zeit
 E' Thierverwandlung käm als Muschterung for die Leut',
 Wo, was eens innerlich, aach auswendig wär',
 E' Wolf, wer wie e' Wolf, e' Bär, wer wie e' Bär.

Gott's Blig, was ginge' do im e' Collegium
 Wie in 're' Menagrie oft Beschtie 'erum,
 Do wär' e' Mormelthier nit selte' vornedra'
 Un' mancher Gockl' wär' mi'm Gimpl abgetha'.

Die Löwe' wäre' raar, die Kaze' desto mehr
 Un' 's ging e' Jugendheld oft als e' Bock drher
 Un' was die Fablthier, die Drache' un' desß Beuch,
 Wer weesß', mer wär' vielleicht an denne' bsunners reich.

Ja, so e' Muschterung, die wär' so übl nit,
 Bekäm' e' jeder dra' gar gute Lehre' mit,
 Un' die Erleichterung in Geschäfte' aller Art!
 Was wär' emm' do for Müh' un' for Verdruß erspart!

Die Gemsejagd.

„Ei was, du hofcht e' Gemsejagd g'sehe',
 No saach emol, wie war dann desß?“
 „Soll aach mei' Lebtag nimmer g'schehe',
 Dann do vergeh'n emm die Späß',
 Desß is e' heilloses Vergnische',
 Ich saach euch, ich war uf'm e' Platz,
 Dohin steicht nit emol e' Rag'
 Un sollt' se aach Paschtete' rieche';
 Es habe' mich zwee nuff gezoche',
 Sunsch war's grad an Unmöglichkeit,
 Wie uf en Thorn, 's is nit geloch',
 Alsfort e' halbi Gwichkeit;
 Vor mir e' Grabe', do war's drunne'
 So schwarz, wie im e' tiefe' Brunne',
 Un links un rechts war gar nix mehr
 Als Luft, do hoch ich mi'm Gewehr;
 Und bin drei Stunde' schier gehocht,
 Do kummt emol eens hergebocht.
 Un wie's mich merkt des Deubelsvieh,
 Dann so e' Thier hot alle Kniff,
 Thut's wie e' Spißbu' grad' 'n Biff

Un schmeißt die gröschte' Steener runner,
 Daß ich noch leb', is nor e' Bunner.""
 „No hoscht es tüchtig nuff gebrennt?“
 „„Ach nee! ich hab' jo nit gekönnt,
 Mußt mich nor halte' mit de' Händ'
 An so eme' alte' Wozlstück,
 Sunscht forchl' ich jede' Ache'blick;
 Mir war nor bang, 's springt zu mer 'rüber,
 Dann 's war ke dreißig Schritt' do 'nüber,
 Un so e' Thier des is verweeche',
 Ich saach euch, 's war gar nit verleeche',
 Hot als gestanne' uff eem Fleck
 Un hot geguckt, wo ich dann steck'.
 Doch endlich, ich seh's immer noch,
 Do grabb't's in e' Felse'loch,
 Dernocher hab ich nix mehr g'sehe';
 Un miserab'l, lahm un üb'l,
 Die Hof' verrisse' un die Stieb'l,
 So bin ich wieder 'runner kumme'
 Un hab' zum Angedenke' noch
 En' Rematism' mitgenumme';
 Un wohlgemerkt, der ee' hot g'sacht,
 Weil mir zu Ehre' wär' die Jagd,
 So hätt' ich aach de' beschte' Stand,
 Des war der Thorn do an der Wand,
 Jez' denkt euch, wie die annre' ware'?!""

Der pedantische Lehrer an de' junge' Dichter.

Du sächsch in deinem Sinngedicht:
 E' Blum' an deiner Bruscht,
 Weil Blum' un Weib so ähnlich wär',
 Deß wär' for dich e' Luscht, —
 Mei' Schatz deß is zu unbestimmt,
 Dann Blume' git's gar viel,
 Un wann de se nit näher nennsch,
 Hot die Critik ihr Spiel.
 Daß mer die Weiber Blume' heest,
 Deß Gleichniß is nit dumm,
 Doch is e großer Unnerschied,
 Sich! zwische' Blum' un Blum'.
 A Mädche' unner sechzehn Johr,
 Wann se noch nit coquett',
 Die kummt mer wie e' Beilche' vor,
 So freundlich un so nett;
 Bun do bis in die zwanzich 'nein
 Blüht se als wie e' Ros',
 Guckt schun e' bische' weiter 'rum,
 Nit alsfort in de' Schoos,

Un wann se jeh' e' Weibche' werd',
 Do werd's e' Tulipan,
 Do werd' se stolz un hebt de' Kopp
 So hoch als wie e' Schwan;
 Wann aber ich im Zähle' so
 Bis über verzich kumm,
 Do werd' des Blümche' gar zu oft
 E' dicki Sunneblum';
 Jeh' traach emol an deiner Bruscht
 E' so e' Sunneblum',
 Un wann de Schiller selber wärscht,
 Wie gehscht de dann do 'rum?!
 D'rum nenn' e' Beilche', nenn' e' Ros',
 Nenn' aach e' Tulipan,
 Nor daß der Leser nit so leicht
 Extravagire' kann.

Die Zeit.

Wie die Zeit noch jung war,
Do war se luschlich un' schö',
Do hot se nor zwee Rinner g'hat,
Adam un' Eva allee'.

Jez' is der Abl kumme'
Un' der Kain, der böse Bu',
Do habe' die Sorge' schun a'gefangt,
Un' 's Alter aach drzu.

Jez' is deß weiter gange',
Wie's halt als weiter geht,
Un' Rinner uf Rinner sin kumme',
Als wie mer Erbsen' sät.

Die habe' geraast un' spetaakt,
Die Zeit hot freilich gewehrt,
Was aber helpt do' Wehre',
Bei so ere Rinnerheerd'.

So sin halt die Johr' vergange',
 Un' habe' se grämlich gemacht,
 Un' habe' se aach um die Schönheit
 Un' um de' Humor gebracht.

Un' so is se dann endlich worre'
 E' uralti Großmamma,
 Desß kennt mer an ihre' Naupe'
 Un' merkt ihr's überall a'.

Do solle' die Rinner nit mure',
 Als still beisamme' sey',
 Die Bube' nit springe' un' tobe',
 Die Mädcher nit lache' drei',

Do heest's als Verne' un' Verne',
 Un' hübsch im Zimmer g'hoct,
 Im Freie' do friecht ihr de' Schnuppe'
 Un' werd' zum Lumpe' verlockt.

Un' stellt sich eener pumpsich,
 So sperrt s' 'n aach wohl ei'
 Un' steckt in ihr'm Griesgram
 Manch Mädche' in's Kloschter 'nei'.

Seß', weil se aber doch ewig,
 Un' gar nie sterbe' thut,
 So geht's vielleicht noch anners,
 Un' 's geht vielleicht noch gut.

'S kann sey', sie werd nit älter,
 Un' daß se sich verjüngt,
 Un' daß se mit ihre' Rinner
 Emol wiedder lacht un' singt.

Un' daß se emol wiedder freundlich
 Un' luschlich werd un' schö', —
 Ich wollt', ich könnt' do lebe',
 Un' wär' wiedder jung un' flee.

Die Mädchen.

Es siße' drei Mädcher beinanner am Haus
 Un' plaudre' un singe' un spinne',
 Do sächt die ee', so schö wie mei' Schatz,
 So werd' mer kenne' zweete mehr sinne',
 Mich freut's nor, daß er Trumpeter is,
 Do is aach die Uneform schöner
 Als beim e' Gemeene', er macht jo en' Staat
 Un' steicht der derher, wie nor eener.
 Do sächt die anner, des is schun wahr,
 Doch will ich dich d'rum nit beneide',
 Dann bei eme Ruß hoscht 's G'sicht voller Hoor,
 Ich kann die Schnorrbärt nit leide';
 Mei' Ferdinand sich! des is e' Jung,
 Is sei' und glatt wie e' Mädche',
 Is aach nit so wild un' flucht nit e' so
 Un' folcht wie e' Lamm am e' Fädche'. —
 Die dritt' sächt nix un' spinnt un' spinnt,
 Is fleißich grad wie e' Bienche',
 Die is noch gar jung, wees nix vun der Lieb',
 E' gar e' niedlich Blondinche',

Jez' reißt ihr der Fad'm, do bückt se sich,
 Ei was, wie is mer geschehe',
 Do hab' ich e' Briefche' vun Rose'papier
 Versteckt unner'm Halstuch gesehe',
 Ei Dunner, jez' hot die aach en' Schatz,
 Wie kann mer so leicht sich betriehe'! —

Die 's länger schun treibe', die rede d'r vun,
 Die anfangen', sin gar verschwiehe'!

Werbung.

O Mäddche' du bischt mei' Frühlingsfunn',
 Dei' Blick der gleicht ihre' Strahle',
 Bei dir is mer wohl, do fühl' ich e' Luscht,
 Die könnt' mer ke' König bezahle'.

O Mäddche' du bischt mei' Morche'stern,
 So scheinscht de mer freundlich zum Herze',
 Bischt lieb, wie's die Schäfscher am Himmi'l sin',
 Uf bene' die Eng'scher scherze'.

O du mei' Gedanke' bei Tag und Nacht,
 Du Blum' vun alle' Juwelen',
 Was hot dir jeh' deß e' Vergnieche' gemacht,
 Mei' Ruh' un mein Friede' zu stehle'?

O geb' mer se wiedder, ich bitt' dich schö',
 Du hoscht se im Händche' verborche',
 O geb' mer deß Händche', ich geb' dir en' Ring
 Un will dich dei' Lebtag versorche'.

Die Wett'.

Es habe' zwee e' Wett gemacht
 Um 's Spiel der Phantasie,
 Derweil des Gröschte-sage' könnt'
 Mit dichterisch'm Genie,
 Der sollt' gewinne' un' do macht
 Der Jüngere sich dick,
 Un' fangt begeischtert a' un' sächt
 Mit wahr'm Sieger-Blick:
 Die ganz' Welt müßt', ging's wie ich wollt'
 Nix als Champagner sei'
 Un' alles Meer un' alli Luft
 Sich! wär' der liebe Wei',
 Un' weil, was Stern heest un' Planet,
 All' runde Dinger sin,
 So wä're' deß, e' Pracht-Gedräng',
 Die Perle' nocher drinn,
 Jeg' denk dir deß Mouffire', Freund,
 Deß Brause', deß Getös'
 Un' denk' dr aach deß rechte Glas,
 Deß hätt' e' hübschi Größ',

Un' ich, geb Acht, ich möcht' drbei
 Die Zeit als Becher sen',
 Do hätt' ich wohl, wär's noch so viel,
 G' Gorgl for den Wei',
 Un' hätt' ich deß, so wär' ich forz,
 'S Maul uff un' himm! drzu,
 So wär' se g'soffa un' do hätt'
 Ihr armi Seel 'n Ruh. —
 Was meenscht de, is des Bild nit groß,
 Wie steht's jesh' mit der Wett? —
 „Nor ruhich, sächt der Aeltere,
 „Ich hab' noch nit g'eredt,
 „Wahrhaftich, was de' sächsch, is groß,
 „Doch meen' ich, hinnerher
 „Gewiß e' Rakejammer käm',
 „Der noch viel größer wär'." —

Der Annre hot die Wett bezahlt.

Die Eenigkeit.

„Nor eenig sey', nor eenig sey',“
 Hot unser Barrer g'sacht,
 Er hot's wohl gut gemeent der Mann,
 Mir doch nit recht gemacht.
 Ich bin halt so e' Philosoph,
 Der guckt deß anners a',
 Un' juscht in der Uneenigkeit
 Find' ich was Gutes dra'.
 Dann Lumpe', sich! gits so viel mehr
 Als ordentliche Leut
 Un' thäte' die all' eenig sey',
 Was wär' deß for e' Zeit!
 Do müßt mer lebe' wie e' Haas',
 Alsfort in Angscht un' Noth
 Un' daß emm' nor se' Eenigkeit
 D'erwischt un' schlacht emm' todt.
 Nee, ne, so wie se is die Welt,
 Bin ich vun Herze' froh,
 Daß nit so gar viel Eenigkeit,
 Es is schon besser so!

Der Student un' der Deubl.

Es hot der Deubl 'n Better g'hat,
 Der war e' Verehrer vum Geld
 Un' war e' Zaubermeeschter drbei,
 Wie je eener war uf der Welt.
 For's Geld do hot er Alles gethā'
 Un' Alles hot er gekönnt,
 Un' vun denne' Rünschte' hot emol g'hört
 E' lidderlicher Student.
 Un' seller Student war juscht marod
 Un' hot vor Lumperei.
 'N schreckliche' Kagejammer gehat
 Un' gar ke' Geld drbei.
 Jeg' hot er dann stark philosophirt
 Un' hot sich erbärmlich beschwert,
 Daß so viel Uebl sey uf der Welt,
 Es sey doch unerhört.
 Un' wie er so denkt, so fällt 'm ei',
 Ja hättst de nor Geld wie Heu,
 Do wärscht de jo leicht alle Uebl los,
 Der Zauberer helfet glei';

Aber Geld, ja Geld, nix is umejunscht,
 Der Mann is druf wie verpicht,
 Bezahle' muß mer e' jedi Kunscht,
 Des is e' bekannti G'schicht.
 Si sächt er, wie wär's, probir's emal
 Un' verschreib 'm Deubl dei' Seel,
 Do hoscht, was de' willscht, an Geld un' Gut
 Un' lebscht dei' Lebe' fideel.
 Dann wie's mit de' höllische' Quaale' is,
 Des wees mer jo doch nit recht,
 Es werd nit so gar gefährlich sen',
 Wann eener sei' Seel' verspricht.
 Do ruft er 'm Deubl, — der hört gar gut,
 Un' eh' er sich's versicht,
 Do war er, un' hockt uf 'm Kanapee,
 Wo d's Studentl liegt.
 „Die Gränk', Herr Deubl, freß Er mich nit!“
 „„Bewahre', was fällt Ihne' ei',
 Sie hab' gewünscht, drum bin ich do,
 Zu Ihre' Dienschte' zu sen'.““
 Si, is er so artig, denkt der Student,
 So geht die G'schicht nit krumm
 Un' handelt und jüddlt halt hi' un' her,
 Dann alle zwee ware' nit dumm.
 Un' macht mit 'm aus for sei' armi Seel',
 Daß, lebt er wie er will,
 Sei' Lebtag ihm fe' Geld ausgeht

Un' bräucht er aach noch so viel.
 Der Deubl denkt, du treibschst nit lang
 Un' bleckt gar freundlich die Zäh',
 „„Es gilt, Herr Student, die Kass' is gefüllt,
 Gute Befrung, befehl' mich gar schö'.““
 Jek, sächt der Student, jek soll uf der Welt
 For mich ke' Uebl mehr sen',
 Un' lad't sich gar gschwind zum Concilium
 Den mächtige' Zauberer ei'.
 „Was zahl' ich, wann Er, aber gschwind wie der Wind,
 Mei' Kagejammer corirt?“
 „„Ei hunnert Louisd'or, mei' gnädiger Herr,
 Do hab' ich nit viel profetirt;““
 Als druff! do hot Er die hunnert Louisd'or, —
 Un' mit eme Troppe' Tinktur
 War Kagejammer un' Alles vorbei
 Un' meeschterlich war die Cur.
 Jek' lebt der Student in Saus un' Braus
 Un' wo 'n e' Uebl genirt,
 Do hot als der Magier gschwind wie der Wind
 For blanke' Dukate' corirt.
 Kenn' Schnuppe', ja nit 'n Stich vum e' Floh,
 Nix hot er vertrage' der Jung',
 Ich will ke' Uebl, so hot er als g sagt,
 Nor Freed un' Beluschtigung.
 Un' Geld het's gekoscht, mer glaabts gar nit,
 Dann Uebl sin' kumme' die Meng'

Un' der Here'meeschter vor lauter Gethu'
 War oft im gröschte' Gedräng:
 'S war luschlich! — doch mitte' im Jubl sich',
 Do summt der Deubl drher
 Un' wettert un' stucht: jeh hab' ich's genug,
 Jesh zahl' ich kenn' Kreuzer mehr.
 Bei so eme Handl, do gieng' ich zu Grund,
 Wer lebt ohne Blooch uf der Welt!
 Un' Sie, um befreht' vum e' Schnuppe zu sen'
 Verpuze' mer Rische voll Geld!
 Ich will Ihne' sage', so thu' mer nit,
 Behalte' Sie hübsch' Ihr' Seel'
 Un' ich b'halt mei' Geld, sunscht lacht mer mich aus,
 Wann ich vun dem Handl verzähl'. —
 Un' Num bidi bum, in Feuer un' Bliß,
 Uf eemol war er ewech
 Un' unser Student war wiedder wie sunscht
 In Rakejammer un' Pech.

Do kann mehr wohl sehe', wie uff der Welt
 Doch Uebl un' Glend so groß,
 Wann selber 'm Deubl die Kass' nit langt
 Un' er kaast sich nit een' drvun los!

Vun der Natur.

O Reichthum der Natur! —
 So wart' eweil, 's is nit viel dra',
 Guß nor deß Ding genauer a',
 Es is mit all' dem viele' Glanz
 Doch alsfort nor der alte Tanz.
 Geb Acht, e' Bersching blüht als roth
 Und geel e' Butterblum,
 E' Elephant wiegt nie e' Loth,
 E' Esel is halt dumm;
 Die Sunn' geht noch de' alte' Gang,
 Grad wie vor hunnert Johr,
 Der Taach is als im Summer lang,
 De' Böchl wächst fe' Hohr;
 E' Lerch' singt noch des nämlich Lied,
 Als wie zu Adams Zeit
 Un singt's noch ohne Unnerschied
 Wie dort vor Vieh und Leut, —
 Un do d'rum macht mer so a G'schrei
 Un ruft: Wie reich, wie schee'! —
 Wär' nit e' Schelmerei derbei,

Es thät bal anners geh';
 Weescht aber Freund, wie schlaue sie 's macht
 Die goldich schee' Natur,
 Sie zählt, wie lang mer se betracht'
 Genau noch ihrer Uhr,
 Un meent se, eener hätt' genuch
 In ihr'n Kram geguckt,
 So muß er fort un' werrn 'm gschwind
 Die Lage' zgedruckt;
 So halt' se sich de' Buckl frei
 In ihr'm Hoffahrtsdunsch, —
 Do bleibt mer freilich ewich neu,
 Des is e' rechte Kunst! —

Noth an Poesie.

Es heest als, unferm heut'ge Dichte',
Dem sicht mer Armuth deutlich a',
Ich weef' warum un' will Euch sage'
Was Ursach is un' schuld do dra'.

Die Poesie hot liebe Kinner,
Die schickt se so vun Zeit zu Zeit
Vun Himml zu de' Mensche ruhner'
In ihrer Herzesfreundlichkeit.

Un' gebt 'n mit aus ihre' Gärtcher
Viel zarte Rose' weiß un' roth
Un' sächt 'n, 's is viel Freed do drunne
„Un' aber aach viel Kreuz un' Noth.

„Do müßt 'r helfa un' verschön're'
„Un' bringt 'was Gut's vum Himml mit
„Un bringt viel Luscht mit eure' Blume',
„Sunsch glaabt mer euer' Herkunft nit.

„Un' wo sich frische Mädcher freue'
 „Do bringt e' Sträußche' mit zum Tanz,
 „Un' wann ee' traurig sin' un' weine',
 „So trösch't mer die aach mi'm e' Kranz.

„Un' wann ihr nit vergeßt die Mutter
 „Un' habt ihr' Lehre' nit verfehlt,
 „So derft ihr widder zu mr kumma
 „Un' freu' mich was 'r mr verzählt.

„Wann aber eens im Erdetrauml,
 „Ich hoff's nit, pimmer an mich denkt,
 „Wees' Gott, deß will ich nimmer sehe'
 „Un' dem sei' Gärtche' werd verschenkt.“

So sin' vun denne schöne' Kinner
 Gar viel gewannert in die Welt
 Un' habe' noch der Nees' — im Himml
 Der liebe' Mutter vorverzählt.

'S sin' aber mehr noch ausgebliebe',
 Ach Gott, deß hot ihr weh getha',
 Un' sich! drum kummt halt jetzt gar selte'
 Do hunne' so e' Kindche' a'.

Ständche'.

Kumm mei' Liebche' an's Fenschter,
 'S is Alles so ruhich un' still,
 Mei' Herz deß hot e' Verlange',
 Un' daß's dich grüße' will.

Es will dich grüße' un' saache',
 'S wär' kenni so lieb wie du,
 Du wärscht sei' freundlicher Engl,
 Sei' Glück un' Friede' d'rzu.

Un' 's will dich grüße' un' saache',
 So vielmol hätt's dich gern,
 Als dort am Himm'l flimmre'
 Die viele' tausend Stern'.

Un' 's will dich grüße' un' saache',
 'S wär' standhaft un' wär' treu,
 Un' thu'scht dei' Lieb 'm schenke',
 D'erlebscht gewiß fe' Neu.

Un' 's will dich grüße' un' saache',
 Daß, wann d' 'm nit gut willscht jen',
 So grabe's die Todte'gräber
 Ach eh' de dra' denkscht, ei'.

An de' Champagner.

Weescht, warum ich so gar gern seh'
 De' Champagner, deß heest de' mousseux,
 Sich! bloß weil er so luschlich is,
 Weil er so zab'lt mit Händ' un Füß'.
 Ich hab' aach emol so gezab'lt,
 Bin schier an ere Wand 'nuff gekrab'lt,
 Wann e' hübsch' Mädche' obe' gehockt,
 Die mich freundlich enuff gelockt. —
 Weescht, warum ich so gar gern hör'
 De' Champagner, er is wie 's Meer,
 Braust un macht emm hübsche Gedanke',
 Macht aach öfter e' Schiffche' schwanke',
 Aber er hot kenn so g'fährliche' Sinn,
 Schwimme' fe' Krabbe' und Haifisch d'rinn. —
 Weescht, warum ich gern trinke' thu'
 De' Champagner, ei guck' nor zu,
 Im Champagner sin Perle' viel,
 Die juscht mache' deß luschlich' Gewühl

Un trinkt eener den liebe' Wein,
 O'höre' jo all' die Perle' fein!
 Sich! deß wisse' die große' Herrn
 Un ich aach, drum trink' ich 'n gern.

Vun der Sunn'.

'E git nix coquetter's wie die Sunn',
 Sich, bischt du ganz allee',
 Hoscht nix zu thun, deß merkt se glei'
 Un bleibt e' Weilche' steh',

Sie meent, do wär' die günschtich Zeit,
 Dasch d' se bewunn're könnstsch
 Un weil se' anneri grad do,
 Wär' freilich sie die schönscht;

Doch bischt Du beim e' hübsche' Kind
 Un machsch do brav die Cour,
 Do laaft se voller Zorn so g'schwind
 Wie e' Sekunde'-Uhr.

Un sich! von dere' Git'lkeit
 Uf ihr goldschnittich's G'sicht,
 Do kumme' aach die Mohre' her,
 Deß is e' bsunnri G'schicht'.

Ich will se euch verzähle', doch
 Sie is vielleicht nix werth,
 Es is juscht aach nit alles wohr,
 Was mer emol so hört.

Was heut zu Tach die Mohre' sin,
 Die ware' amol weiß,
 Do war die Sunn' viel jünger noch,
 Sie war noch ebbes Neu's,

Do fallt's dem dumme' Bölkche' ei'
 Un' bette' se gar a',
 A solchi Ehr' hot sellemol
 Ihr Niemand angetha'.

Jetz bleibt se d'r vor lauter Stolz
 Als ober ihne' steh',
 Un horcht do uf die Schmeichlerei
 Un kann nit weiter geh'.

Was war die Folg'? do hot se se
 Wie Kohle' schwarz gebrennt
 Un habe' die enanner dort
 Gar nimmermehr gekennt. —

So gar arg treibt se's nimmer jetz,
 'S hot Uffsehe' gemacht
 Un sie hot wohl en' Wischer kriecht
 Un gebt e' bische' Acht;

•
Doch traut ihr nit, ihr Dichter gar,
Die ihr se so verehrt,
Dann in dem Punkt do send ihr noch
Gar wenig uffgeklärt,

Un deß wär' doch in unsrer Zeit
Wahrhaftich gar zu dumm,
Ginge' die Dichter uf emol
All' wie die Mohre' 'rum.

Ora et labora. Bet' un' arbeit'.

Es war emol e' großer Herr,
 Gar reich un' lieb un' gut,
 Der hot for all' sei' Dienerschaft
 Geforcht, wie's kenner thut.

Sie habe' kaam de' Dienscht gekennt,
 Un' wer sei' Sach' getha',
 Der hot aach Freede g'hat genung
 Un' war nie hinnebra'.

In seine' Gärte' war's erlaubt
 Noch Luscht 'erumzugeh',
 Do ware' Blume', Bääm un' Obscht
 Wahrhaftich wunnerschö'.

Un' war, als wär's gar nit vor ihn,
 Hot Alles gern verschenkt,
 Un' was er a'geordnt hot,
 Als an sei' Leut' gedenkt.

Nor in sei' Schloß, wo er gewohnt,
Im allergröschte Staat,
Wann eener do hot derse' 'nei,
Deß war e' bsunnri Gnad'.

Jez war dann unner seine Leut'
E' fauler Hoslaquai,
Un' der hot als zu bitte' g'hat,
Und nix getha' drbei.

Er hot sein' Herrn viel hunnertmol
Versichert seiner Lieb',
Un' daß er so gern bei 'm wär'
Un' so gern bei 'm blieb,

Un' als gebitt' daß halt der Herr
Ihn zu sein'm Liebling nähm,
Un' daß er aach zu ihm in's Schloß
Un' an sei' Tasl käm'.

Statt aber, daß deß gschehe' is,
So hot der Herr gesacht,
Was hoscht dann du im Dienischt getha',
Wie weit hoscht es gebracht?

Maschir' un' geh' mer aus 'm Gsicht,
Dann wer nix thut, als bitt't,
Un' d'rum sei' Complimente' macht,
Verstehscht, den mag ich nit. —

Mit woht? Ihr ſacht, der Herr hot recht,
 Jeg' bild't Euch emel ei',
 Es thät der Herr der liebe Gott
 Un' 's Schloß der Himmel ſey',

Un' eener, der nix thut, als bet't,
 Derſell wär' der Laquai, —
 Ob do die Geſchicht' wohl anners wär'?
 Ich meen', 's wär' eenerlei.

Reef'hinnerniß.

Ich kann halt gar nit weiter kumme',
 Es is e' wahri Noth,
 Uf heut hatt' ich mer's vorge numme',
 Do war die Sunn' so roth;
 Un geschtert, wie ich's überleech',
 Laaft so e' Sapperlott,
 A dummer Haas mer über'n Weech,
 Do reesa? — b'hüt' mich Gott!
 Am Mondtag fangt mar nie was a',
 Am Sunntag wollt' ich geh',
 Do muß, als wär's mer angetha',
 E' Schwein am Stadtthor steh';
 Uff morche' do werd's juscht e' Jehr,
 Daß mer der Waache' brecht,
 Der Tag kann freilich nix d'rvor,
 Doch wees mer's als nit recht;
 Drum wees ich nit, was anzufange',
 For desmol geht's mer bös, —
 Dann des werd' doch ke' Mensch verlange',
 Daß ich am Freitag reef'!

Die Diener.

Es hot e' jeder Mensch viel Diener
 Do cummandirt er, was er will,
 Un' Alles thun f' 'm, wie se' könne',
 Un', wie sich's g'hört, gar mäuschestill.

Die Diener heese' die Gedanke'
 Un' wer's betracht't, der weesß gewiß,
 Daß so e' Diener viel zu thu' hot
 Un' oft nit zum Beneide' is.

Do hockt der Herr bequem im Garte'
 Un' raucht sei' Peische' zum Kaffee,
 Zeh' fällt 'm ei', er möcht wohl wisse',
 Wie 's juscht mit de' Chineser steh'.

Do schickt er so 'n arme Deubl
 Noch China, ei der sächt se' Wort
 Un' tummelt sich un' laast wie bseffe'
 Un' eh' dich umgucksch, is er dort.

Glei' druf, do muß e' annrer laafe'
 Un' in die Schweiz noch sein'm Begehr,
 Der Herr will wisse', wie die Jungfrau,
 Der Berg dort, zum besteige' wär.

Jeg' denkt euch, deß hot halt sei' Naupe',
 Herunne' geht's noch allnfalls,
 Doch bei dem ferschterliche Grabla',
 Do brecht jo eener leicht de' Hals!

Un' oft beim allerschlechtschte Wetter,
 Do summt er eem 'n Vers in's Ohr
 Un' schickt 'n fort d'rmit zum Schägche'
 Un' sächt' 'm, sag's ihr wiedder vor.

Bal' zum e' Bauer, bal' zum König,
 Wie's halt grad is, muß eener geh',
 Un' sich! wann Staatsvisite' kumme',
 Muß Alles in Parade steh'.

Deß geht de' ganze Tag nit anners,
 Doch anners gehts halt bei der Nacht,
 Deß heest, wann juscht der Herr will schlose',
 Dann 's is der Dienischt, so lang' er wacht.

Doch wann er schloft, so thun die Diener,
 Was ihne' gfallt, gar ungenirt,
 Do werd geschwägt un' werd gebablt
 Un' über Alles räsennirt;

Do spotte' s' 'n un' lache' über 'n,
 Der ee' macht' 'm e' langi Nas',
 Der anner bringt 'm in sei' Zimmer
 Weeß Gott was for e' Stadtfraabas'.

Un' manchmal is sogar schon g'schehe',
 Daß wann der Herr is uffgewacht,
 Daß gar ke' Diener war zu sehe'
 Un' Alles sich druu' gemacht.

Natürlich is deß zum Verzweifle
 Un' die Verlege'heit gar groß,
 Dann so e' Herr der is verlosse'
 Un' was mer sächt', gedankelos.

Jez' deß is richtig, selber schuldig
 Is oft der Herr in so 'me Fall,
 Dann mancher gebt 'n saam zu fresse'
 Un' ploocht un' quält se' überall.

Ich hab' een g'frocht, 'n alte Kerl,
 Der viel gedient verschiedne Herrn,
 Diawelle dann die gröschte Narre'
 Un' bsunners wiedderwärtig wär'n.

Do sächt er, mei' Gott, unser eener,
 Der richt't sich halt, wie's is im Haus,
 Nor eens nit, beim e' schlechte' Dichter,
 Die Gränk, do halt's der Deubl aus!

Der Koch.

Gute' Morge' Herr Leibkoch, ei Sapperment,
 Do brozlt's un' sied's jo ohne End,
 Gotts Blik, was for Fisch', Forelle' un' Aal
 Un' Salme' un' Häring noch der Wahl,
 Un' Muschtre' un' Krebse', wo sin' dann die her,
 Deß sin' jo Unthier, 'glaab' gar vum Meer',
 Un' was for Gelée's un' Paschtete', der Glanz!
 Un' deß' do, deß is jo e' Bibereschwanz,
 Was is dann heut los, wer werd dann traktirt,
 Heut werd jo e' Heidegeld vermangirt!
 „„Gi was werds dann sey', Er is halt fe' Ehrischt
 „„Un' wees' nit, warum mer anglt un' fischt,
 „„Es is jo Quatember, e' Faschttag is heut,
 „„Un' deß is for uns als e' zablich'i Zeit,
 „„Un' meent mer schun oft, der Verstand steht emm still,
 „„Wann e' Herrschaft halt gar e so faschte' will.““

Lebenskunscht.

Die Kunscht, vergnicht zu lebe' gleicht
 Der Kunscht Liqueur zu mache',
 Mer braucht drzu, deß is bekannt
 So manche' siebe' Sache'.

Deß Erschte is der Spiritus,
 Doch geht's mit femm' gemeene',
 Sunsch merkt mer glei' de' Fußl drinn,
 Der löst sich nit gewöhne'.

For's zweete brauchschdt de allerhand
 Von Früchte' un' vun Blume'
 Un' manches Kräutche jung und frisch
 Wird aach drzu genumma.

Deß muscht de im e' gute Glas'
 Mi'nanner deschtillire'
 Un' nocher, wie's d'r grad beliebt,
 Noch Zucker drunner rühra'.

Die Früchte, Zucker, Kraut un' Blum
 Die losse' sich schon sinne'
 Un' brauchsch dich, host de Geld genuch,
 Nit viel do d'rüber bsinne'.

Doch for Retort un' Spiritus
 Do muscht de selber forche',
 Die kaast mer nit um alles Geld
 Un' kannscht se aach nit borche'.

'S romantische Mädchen'.

O Vater, was war deß e' Herrlichkeit
 In der alte' romantische' Ritterzeit,
 Do war noch am Leeb'e e' Glanz un e' Pracht
 Und die Mädchen die ware' noch hoch geacht',
 Do habe' die Dame's Farbe' getraache'
 In do drum hot sich e' Ritter g'schlaache'!
 In nemm' nor den Staat und deß scheene Plaisir
 Nun so eme Gescht, wie e' Rittersturnir!
 La denf ich mich so in e' Borch am Rhein
 Und wie ich kredenz' denne' Ritter de' Wein,
 In wie se so recht behaaglich pumpe'
 Lus denne' große' silberne' Humpe'
 Und so verzähle' vun Krieg un Sachd
 In was se vun Kreuzzug heemgebracht;
 Ich saach dir's Vater, do thut's mer weh,
 Bann ich jeh die Zeit so presaisch seh' —
 Und was habe' nit aach die Mädchen gethan,
 Denf nor an die Jungfrau vun Orleans!" —
 „Geh', loß doch des Zeuch, 's is die Hälft' nit wohr,
 Deß mache' emm so die Hischtoriker vor,

Und deß Farbe'traache', was soll dann deß sey',
 Deß sin Hypothese', deß bildsch't der nor ei',
 Und daß sich die junge' Leut' nimmer schlaache'
 For Farbe' un Späß', deß hot nix zu saache',
 Dann sunsch't wahrhaftich gäb's alle Läch',
 Nir als Spektakl un Brichl und Schläch';
 Un weech'e' dem Saufe' un Rennomire'
 Do brauchsch't du die Ritter nit zu citire',
 Dann der Artifl is wohl bestellt,
 So lang's noch Mensche' git uff der Welt,
 Un diesell — die hätt' aach was bessers getha',
 Als zu werre' die Jungfrau von Orleans.
 Dann die hot mancher de' Kopp verrückt,
 Daß se meent, sie hätt' in de' Himm'l geguckt!""
 „Ach Vater, du hoscht kee' Poesie
 Und deß is doch vum Lebe' die Blüh',
 Mit deiner Obschtzucht, mit Appyl un Bire',
 Do hot mer freilich ke' Avantire'."
 „„Mei' Kind, do les' nor dem Gock sei' G'schicht',
 Die is doch e' wahres Helde'gedicht,
 Un was war dann 's End' vun der Poesie?
 Do kriecht 'n amol e' Wilder beim Ohr,
 Und freßt 'n lebendich mit Haut un Hoer,
 Deß is vun so eme' Lebe' die Bli'h!""

's Meer.

Wann d' am 'e Bach stehsch, an 're Quell
 Un' Alles ringsrum still,
 Geb' Acht, do fange' se 's Blandre' a',
 Was eens halt sage' will,
 Un' die Quell verzählt un' der Bach verzählt
 Un' die Ufer die höre' zu,
 Dann die Wässer die kumme' gar weit 'rum
 Un' habe' selte' 'n Ruh.
 Un' der Fluß un' der Strom machts aach 'e so,
 Die wisse' natürlich gar viel,
 Die kenne' die Städt' aus 'm Fundament
 Un' kenne' 's Mensche'gewühl.
 Un' sie reese', deß weef' mer, all' in's Meer,
 Warum? deß weef' ich nit,
 'S kann sen' 's is dort ihr großer Mark',
 Wo's Gschäfte' zu mache' git,
 Un' 's is aach grad als wann's so wär
 Un' weil halt 's Meer so groß,
 Gits oft 'e Verwerrung un' is halt do
 Alle Tage'blick 'was los.

Dann 's kumme' Fremde aus jedm Land,
 Die versteh'n sich est nit,
 Un' natürlich schwimmt die kreuz un' queer
 Die Politik aach mit:
 Do kummt der Rhei', der is gut deutsch
 Un' die Themf', die englisch gsinnt,
 Un' die Sein' ganz trüb un' thut doch dick
 Mit lauter Pariser-Wind.
 Jeg' stoße' se sich halt im Gedräng'
 Un' foddre' ennanner 'raus,
 Do gits nocher Händl un' werd am End'
 G' Höll-Spetakl d'raus,
 Do is e' Gebrüll un' is e' Gravall,
 Mer hörts viel Stunde' weit,
 Un' bsunners die drei, die sin gar stolz
 Un' habe' gar gschwind 'n Streit.
 Un' mischt mer sich 'nei', so is es rischquirt,
 Do kumme' die Schiffbrüch' her
 Un' es sage nor Leut', die's nit versteh'n,
 Daß e' Stormwind schuld dra' wär'. —
 Gehts aber aach friedlich un' ruhich zu,
 So hört mer doch als e' Gebraus
 Un' mer hört gar oft in stiller Nacht
 Bekannte Stimme' 'raus,
 Deß is die Quell un' is der Bach,
 Die mer sunscht emol het ghört,
 G' Landsmann, ach du lieber Gott,

Der vielleicht heem begehrt,
 Der vielleicht denkt, wie war's doch dort
 So schö' in Flur un' Wald
 Un' dem's jeh' bangt in dem Gewühl
 Un' dem's jeh' nimmer gfallt. —
 Wer je am Meer' hot g'horcht, der wees's,
 Un' wann emm' so 'was g'schicht,
 So kann's jo gar ke' Wunner seh',
 Sich! wann mer 's Heemweh friecht.

Lob der Einbildung.

Wer nor so in de' Taach' nei' lebt
 So still un hübsch bescheide',
 Der is juscht um sei' Existenz
 Mit b'sunners zu beneide'.

Dann nor allee' die Phantasie
 Kann's Leebe' emm versüße',
 Do kann mer habe', was mer mag
 Un ungestört genieße'.

So zum Exemphl git's viel Leut',
 Die leebe' voll Vergnische',
 Blos weil se sich einbilde' thun,
 Der Deubl woll' se frieche'.

Guckt eeni so een freundlich an,
 Un er is weiter 'gange',
 So lobt er sich und macht sich weis,
 Die hätt' 'n wolle' fange'.

Und red't mer 'm zum a Spielche' zu,
 Zum Luschtichsen', zum Trinke',
 So lacht er, daß er 's glei' gemerkt,
 'S thät der Verführer winke'.

Natürlich hot der als en Krieg
 Un Streit mit dem Verwünschte',
 Un wo e' annrer nit dra' denkt,
 Do sammelt er Verdienste.

Un wann mer 'n en Eßl heest,
 Deß nemmt er gar nit übl,
 Er denkt, ohne Beleidigung
 Blüht doch fe' Tugendzwiebl.

So krablt er noch manch'm Tag
 Recht siegreich in sein Winfl
 Un schloft wahrhaftich selich ei'
 In sein'm geliebte' Dünfl.

Ja sich! e' annrer hot deß nit,
 Der nix weesß vun Dämone',
 Und daß mer als so fechte' muß,
 Damit se emm verschone'.

Un recht betracht, is nix rischquirt,
 Dann s' hot, so viel mer wisse',
 A so e' Unding uff der Welt
 Kenn' Mensche' noch verrisse'.

Drum is aach so e' bißche' Spliin
 Wahrhaftich zu empfehle'
 Un muß e' wahri Wohlthat sen'
 Vor viele arme Seele'.

Der Winter un' die Nix.

Anno Gens hot geblose' e' schrecklicher Wind,
 War e' Winter so kalt, wie mer gar kenn' mehr find't,
 Un' Flocke' so groß wie die Schwane', hot's g'schneit,
 Un' sin' dort verfrore' viel Vieh un' viel Leut',
 Un' warum sellemol war der Winter so böß,
 Deß will ich verzähle', so gut wie ich's weß.

I. Wie der Winter übl's Humors im Himm'l sitzt un' an e' Erde'nix denkt, die 'u nit mag.

Der Winter is drobe' im Himm'l gseffe'
 Gar tief in sein'm Schnee, voller Gift un' Zorn,
 Hot grimmig sein' flockige' Noß betracht't,
 Un' G'sichter über G'sichter gemacht.

„S is Herbst, so hot er vor sich gebrummt,
 „Ich muß wiedder nunner in's Erde'nescht,
 „Ich thät's jo so gern, wann Gens nit wär',
 • „Die Lieb', ach die Lieb, die plooch mich schwer.“

Warum er so gsacht hot, deß will ich euch sage',
 'S hot sellemol g'haust e' Nix uf der Welt,
 Die war e' Bild vunn e' liebliche' Kind,
 G' Schönheit, wie mer se selte' so find't.

Sie hot gewohnt im e' luschliche' Wäldche',
 Gar einsam mit Böchl un' Blume' allee',
 Die hot se gepflegt, geliebt un' geherzt,
 Un' mit ihne' gspielt, geplaudert un' g'scherzt.

Wann aber der Mond hot in's Wäldche' g'schiene'
 In stiller Nacht mit sein'm freundliche' Licht,
 Do war ihr oft nit um luschtigen Scherz,
 Es war ihr oft weh um's junge Herz.

Do hot se geschwärmt un' in Sehnsucht g'sunge',
 Un' daß ihr Geliebter so grausam wär',
 Un' daß er so selte' kummt zu ihr,
 Der herrliche Jung in's Waldbrevier.

Der Jung war der Frühling, dem war se gewoge',
 Un' der is halt als gar g'schwind wiedder fort,
 Deß hot se gar oft geklagt zu de' Stern',
 Un' wie s' 'm so treu wär' un' hätt' 'n so gern.

Do is dann emol aach der Winter kumme
 In selbign Wald un' hot g'sehe' die Nix,
 Zuscht wie se so gsunge', so sehnlich betrübt,
 Un' hot sich bis über die Ohre' verliebt.

Er hot sich gedenkt, do kann mer jo helpe',
 Wann dir um e' Schätzche' gar e so is,
 Un' steigt uf se zu, un' grüßt se gar schö',
 Un' will aach 'was sage', 's will aber nit geh'.

Die Nix is verschrocke' un' hot 'n mit Zittre',
 Mit wahrhaft'm Schauer gar groß a'geguckt,
 Un' is nocher flüchtich, als wie e' Gazell'
 Im Schilf verschwunde' an ihrer Quell'.

Der Winter is nooch, so g'schwind er hot könne',
 Un' hot in dem Schilf wie e' Eisbär gewühlt,
 Doch Alles umsunst, statt der niedliche Fee,
 So jagt er drei Schneegäns' vor sich in die Höh'.

Un' wie er's aach macht, un' wie oft er is kumme',
 Er sieht se halt nimmer sei' liebi Nix, —
 An des hot er jeh im Himml gedenkt,
 Un' hot sich in tieffschtn Aerger versenkt.

**II. Wie der Winter sein'm gute Freund Hachl ruft, dem
 Hauptspigbu, un' was die zwee mitenanner ausmache'.**

Un' wie dann der Winter so hocht in Gedanke',
 So fällt 'm sei' Freund, der Herr Hachl ei',
 Den muß ich doch froche', so sächt er bei sich,
 Wer weesß, vielleicht hot der 'n Noth for mich.

Do schickt er 'n Schneeballe' fort zum Herr Hachl,
Un' richtig der kummt; e' schöni Figur,
E' kucklicher Glaskopp, sunscht war schier nix dra',
Der hört halt die Klag' un' deß Glend a'.

Ja sich! lieber Freund, so sächet der Herr Hachl,
Daß Er so 'me Ding, wie e' Nix is, nit g'fällt,
Deß is ganz natürlich, dann in dem Noß,
Do sichtet er schon aus wie e' Bottlbock.

„Deß Nixche', ich kenn se, die nehmt sich zum liebe'
„Was Niedlich's, 'n Kerl, der hübsch un' galant,
„Un' wann ich nit err', so hot mer eens g'sacht,
„Daß ihr Monsieur Frühling die Cour als macht.

„Do is wenig Hoffnung, doch wüßt' ich e' Mittel,
„Der Noß macht gar viel, probir' Er's emool,
„Un' stehl' Er dem Stuger e' blumiches Kleed,
„Do werd Er schon sehe', ob's besser geht.“

„„Wahrhaftich, Freund Hachl, deß will ich probire',
„„'S is richtig, der Noß macht allzeit de' Mann,
„„Adieu lieber Freund!“ „No' mach' Er's fei' g'schickt,
„Ich wünsch' 'm vun Herze', daß Alles gut glückt.“

Jetzt nehmt der Herr Winter sein' gröschte' Mantl,
Bun Schneeflocke' halb un' halb Hermelin,
Un' geht zum Herr Frühling, e' harter Gang,
Denn daß der 'was merkt, um deß war 'm bang.

Der Frühling, der hot seit ewige' Zeite'
 E' herrlich'i Villa bewohnt uf 'm Land,
 Gar luschlich gebaut un' frei un' frisch,
 Un' ringsrum blüh'nde Bääm un' Büsch!

Do sin vor der Thür' juscht Bediente g'stanne',
 Zwee junge farbige Papillion,
 Die frocht dann der Winter, ob 's Herrche' drheem,
 Un' sie saache', er schloft dort unner de' Bääm.

„So, so,“ sächt der Winter, „ihr müßt 'n nit wecke',
 „Es is nor e' Neugier, warum ich juscht kumm',
 „Es liecht mer schon lang' der Gedanke' im Kopp,
 „Ich möcht' emol sehe' sei' schöni Gard'rob!“

Erllenz, saache' die, die könn' mer schon zeige',
 Un' führn 'n dann in 'n herrliche' Gang,
 Do war an der Wand vun Kleeder e' Pracht,
 Mer hot nor Alles mit Staune' betracht't.

Desß Röckche' vun Rose', un' desß von Narcisse',
 Un' wiedder e' anners vun Veilcher gewebt,
 Un' Höscher vun Blüthefädcher gestrickt,
 Un' mit Glocktblume' gar zierlich gestickt.

Un' Cravatte' un' Gilets vun duftiche' Blätter
 Vun Balsamine' un' vun Jasmin,
 Un' aach Vorstednabe' un' was mer so tracht,
 Vun Vergißmeinnicht un' Pensées gemacht.

Do klost die Exllenz, un' lost die zwee hole'
 Bun hinne' und vorne die koschtbarschte Röß,
 Un' endlich 'n Schlafrock, schö' blumich un' fei',
 Den mauschlt er gschwind unnern Mantel 'nei'.

„S is prächtich, so sächt er, ich loß mich empfehle',
 „Hab' nie so 'was g'sehe',“ un' so trollt er fort,
 Un' ruft noch, Ihr Junge', hört, fer euer' Müh',
 Do macht emol mit m'r e' Schlitteparthie.

**III. Wie sich der Winter pußt un' uf der Erd zu der
 Nix kummt, un' wie do allerhand Verlege'heite' ent-
 staune' sin.**

Der Winter hot g'schmunzlt, daß Alles gut 'gange',
 Un' wie er drheem war, so pußt er sich glei',
 Drei Eiszappe', die juscht de' Kammerdienscht g'hat,
 Die gucke' sich an dem Staat gar nit satt.

Der Herr lost sich aach gar sauber rasire'
 Un' nimmt als Frisur e' blondi Peruck',
 Un' schminkt sich un' schmiert sich Pomad' in die Heer,
 War jünger wahrhaftich um hunnert Johr.

Wie aber die Eiszappe' habe' gebunne'
 Den blumige' Rock mi' me Gürtl vun Gold,
 Un' wie s' 'm e' vornehmi Kett' umg'hängt,
 Do habe' se etliche Blume' versengt.

Die habe' verlore' die Farb' un' sin worre'
 Ganz schwarz, doch der Alte hots nit gemerkt,
 Schiebt noch in de' Sack Diamante' un' Geld
 Un' so reest er fert uf die Erde'welt.

Bald find't er des Wäldche', un' was for Entzücke',
 Er sieht aach die Nix un' die ruft 'm glei' zu,
 „O Freund, o mei' Alles, Du bischt wiedder do,
 „Gi grüß' dich der Himmel, wie bin ich so froh!

„Ach Engl, ich hab' gemeent, 's Herz will mer breche,
 „So lang, ach so lang warscht du nimmer bei mir,
 „Jez' setz' dich nor her un' verzähl' mer nor gschwind,
 „Un' geb' mer dei' Hand, wie gehts dann mei' Kind?“

Un' wie s' 'm die Hand nimmt, so macht se 'n Zucker,
 „Was fehlt dann, warum is dei' Händche' so kalt?“
 Do sächt er: „mei' Schäkche', ja nimm' mich in 'Arm,
 „Es friert mich wahrhaftich, es is mer nit warm.“

Die Nix hört die Stimm' un' sie sächt ganz verwunnert;
 „Gi was for e' Stimm', so wild un' so rauh,“
 „'Hab halt 'n Kartharr, was liegt dann do dra',
 „Was guckscht mich do drum so zimberlich a'?“

Un' die Nix sächt ganz ängschtlich: was sin' des for Blume',
 „Die do uf dein'm Rock, die sin jo ganz schwarz,
 „Wie 's Laab an de' Bääm noch 're froschtiche' Nacht,
 „So Blume', die hoscht du doch sunscht nit gebracht.“

Die Gränk! denkt der anner', un' stottert: mei' Täubche',
 „Deß is halt jæg' Mod', mer hot's halt e' so,
 „Doch kümmer' dich um so Lapalie' nit,
 „Do guck uf 'was anners, ich bring' dir 'was mit.“

Un' er zieht aus 'm Sack Diamante' un' Thaler,
 „Die Mädche' häng' a', die stehn d'r gut,
 „Ich hab' se gefaast, un' nor zu dein'm Spaß,
 „Die Dinger sin theuer, die koschte mich 'was.“

Un' die Nix guckt se a', un' seufzt: „nemm die Dinger,
 „Un' geb' mer, wie sunscht, e' Beilche'bouquet,
 „Un' saach e' Gedicht, hübsch zärtlich un' fei',
 „Deß soll mer wahrhaftich viel lieber sei.“

Jæg' werd 'm schier übl, er zahlt vor Aerger,
 Doch endlich so sächt er, so hör mei' Gedicht,
 'S is klassisch un' forz, d'rum hör's in Geduld,
 Un' wann 's dir nit g'fällt, bischt de selber dra' Schuld.

**IV. Wie der Winter sei' Liebsgedicht sächt, un' was
 weiter gschehe' is, bis an's End' vun der ganze' Gschicht'.**

Noch mancherlei Bsinne' un' •Mäuspre' un' Huschte',
 So fangt halt der Courmacher endlich so a':

Du bischt mer lieber, als e' rothi Syunn',
 Wann die im dickschte Nebl steht,
 Un' 's is doch richtig, wer die Schönheit kennt,
 Daß do nit leicht 'was drüber geht.

Dich seh' ich lieber tanze', als de' Storm,
 Wann der mit tausend Blätter tanzt,
 Un' lieber, als e' Nordlicht, seh' ich dich,
 Obwohl deß doch gewiß noch schöner glanz.

Du bist mei' Schatz —

„No? was willscht de' dann mache',
 „Was Dunner, was laasscht dann d'rrou, bleib' doch do,“
 Un' zurück ruft die Nix: „nee nee, wie deß klingt,
 „So weess ich gewiß, daß mei' Frühling nit singt.“
 Un' wup, war se wech un' war fort in's Geröhrcht,
 Un' wie er aach ruft un' bitt't, s' war vorbei,
 Do floht er versteenert un' nocher in Wuth,
 In wilder Verzweiflung tobt 'm sei Blut.

Do verreißt er den Rock un' verflucht alle Blume',
 Un' Alles, was grünt, und Alles was blüht,
 Un' verflucht alle Quelle', de' Nixe' ihr Haus,
 Un' ruft all' sei' Völker zu Mord un' zu Graus.

Un' wie er so brüllt mit de' Fäuscht gege' Himmel,
 Kummts drunner un' drüber dort schrecklich drher,
 Bun Wolke' zu Wolke' e' dumpfes Geheul,
 Un' Werble' un' Wirre' un' Schauer un' Gräul.

Millione' vun Schneemänner kumme' geritte',
 Un' Eiszappe' nooch, mit de' wüthiche' Spieß,
 Als Schaare' uf Schaare', als gings an e' Schlacht,
 Un' versinschte' de' Tag mit Nebel un' Nacht.

Un' bal' war die Luft un' die Erd' am Verstoffe',
 Un' Alles, was grünt, war begrabe' un' todt,
 Un' Alles verfrore' bei Stumpe' un' Stiel,
 Un' erstarrt de' Quelle' ihr luschliches Spiel.

So hot er gemeent, der eifige Wüthrich,
 So rächt er gewiß sei' beleidichti Lieb',
 Un' hot sich gedenkt, jeh' gehsch't de zu Grund,
 Du Nixemammfell, un' deß is dr g'sund. —

'E war aber doch anners! dann wie sich verberge'
 Deß roßige Kind im silberne Quell,
 Do führt se e' Fischche', tief unner der Erd',
 Gar heemlich an's Meer, wie's ihr Schicksal begehrt.

Un' do habe' se junge Delphine' getrage'
 In's Land vun Italie', deß unser Tyrann
 Nie g'sehe', wohl aber ihr Frühling gewißt,
 Un' den hot se dort noch lieber geküßt.

Ja, so war die G'schicht' anno Gens bei dem Wind,
 Wo e' Kält' war, wie mer se gar nimmer find't,
 Wo 's Flocke', so groß, wie die Schwane' hot g'schneit,
 Un' wo sin verfrore' viel Vieh un' viel Leut;
 Jesh' wißt 'r, warum seller Winter so bös,
 Ich hab's euch verzählt, so gut wie ich's weeiß.

'S Kindsmädche'.

„Schlof Kindche' schlof,
 Dei' Vater hüt' die Schof,
 Dei' Mutter hüt' die Lämmelein,
 Schlof mei' liebes Kindelein,
 Schlof Kindche' schlof.“

Ach wann nor der Bu' emol schlofe' thät,
 Es werd' schun finschter, es is schun spät
 Un um achte wär' ich so gar gern d'runne',
 Eunscht waart' jo mei' Liebschter umfunscht am Brunne',
 De' ganze' Taach, fee ruhichi Stund'
 Is doch eme' Mäddche', wie mir vergunnt! —

„Schlof Kindche' schlof,
 Dei' Vater hüt' die Schof.“ —

Ja willscht de dann gar nit schlofe' heut',
 Jez sing' ich e' halbi Ewigkeit
 Und noch fe' Schlof un noch fe' Ruh',
 Grad wie Quecksilber is der Bu'.

„Schlof Kindche' schlof,
 Dei' Mutter hüt' die Lämmelein,
 Schlof mei' liebes Kindelein.“ —

Jeg' endlich werd's doch emol was sey',
 Gottlob und Dank, jeg' dus't er ei',
 „Schlof Kindele schlof,
 Dei' Vater“ — horch', jeg' schlacht die Stund',
 Bal' küßt mei' Liebschter mir de' Mund,
 „Schlof du liebes Lämmelein,
 Der Vater hüt' die Kindelein.“ —
 Jeg' still' un sacht' ins Bettche sei',
 Sum sum, sum sum — jeg' legt s' 'n nei',
 Un schleicht so leis' als wie e' Raß'
 Sun Brunne' 'nunner zu ihr'm Schatz. —
 Un über's Johr, do singt die Magd
 Wie sunscht am Obe'd um en acht'
 Ihr „Schlof Kindche' schlof,“
 Do singt sie's for ihr eige' Kind,
 Des schloft aach nit so gar geschwind,
 Doch fallt's ihr weiter nimmer ei',
 Sie möcht' so gar gern d'runne' sey',
 Dann 's waart' uff sie do d'runne'
 Re' Liebschter mehr am Brunne'.

'S Hedlbergerfaß.

Am riesiche' Hedlbergerfaß
 Thut e' Fremder des Spundloch betrachte'
 Und sächt: Es is nit zu verachte',
 Wer kann aber saache', es tanze' drei Paar
 Do d'ruff, geh weiter warum nit gar!
 Es werd mi'm e' eenziche kaam recht geh'
 Viel weniger drei, es is jo zu flee'. —
 Do sächt die Fraa, die zum Explicire'
 Die Fremde' dort muß in de' Keller führe':
 Verzeihe' Ihr Gnade', Sie erre' sich,
 Deß Ding, es scheint wohl e' bische' betroge',
 Doch is es wahrhaftich so weit nit geloge',
 Dann sehe' Se nor, es tanze' im Grund
 Drei Pärcher bequem do uff dem Spund,
 Nor tanzt als eens noch 'm ann're:

Als noch 'n Schoppe'!

O Wein du bischt e' lieber Freund,
 Dei' Sunn' wann in mei' Gläsche' scheint,
 So soll's drauß wettre', wie's nor mag,
 Mir is, als wär' der schönste Tag.
 Als noch 'n Schoppe'!

'S laaft in der Welt so mancher 'rum,
 Der sicht nix grad, sicht Alles frumm,
 O Freund, so eener kennt dich nit,
 Sunscht stünd's wohl nit so schlimm d'rmit.
 Als noch 'n Schoppe'!

Uf dich mei' Schatz verloß' ich mich,
 Un' will der Griesgram' rühre' sich,
 Du weescht mer g'schwind 'n Noeth dröer
 Un' bischperscht mer vertraut in's Ohr:
 „Als noch 'n Schoppe'!“

Die Lieb is gar e' forz Gedicht
 Un' 's Lebe' is e' langi G'schicht',

Du helffſcht zu allezwee getreu
 Un' biſcht deß Beſchte oft drbei.
 Als noch 'n Schoppe'!

Wann ich e' Weltverbefrer wär',
 Mit dir verbunne' wär's nit ſchwer,
 Zu Aller Wohl dictirt' ich dann:
 Kund un' zu wiſſe' Jedermann:
 „Als noch 'n Schoppe'!“

Conjugations-Seite' for mei' Contemporain's.

Ke' Wölkche' beim Wache', ke' Wölkche' im Schloß
 Un' sorgelos luschtig als wie e' jung' Schoß,
 Was meent Ihr, wie heeß't mer die Zeite',
 Meine Herrn es is werflich so viel als gewiß,
 Daß deß for uns plusquamperfectum is,
 Ich denf' mer, do werr' mer nit streite',
 Un' was is 's perfectum? ach deß is die Lieb,
 'S hot nix mehr zu stehle' dr Amor der Dieb,
 Perfectum! der Deubl soll's hole',
 Un' wann's aach noch imperfectum wär'
 Mir wisse', im Grund is es doch nix mehr,
 Mir sin' um die Späßcher schun bstohle'.
 Jeg' kummt aber 's praesens, was kann deß sey',
 Meine Herrn, deß is for uns Gottlob noch der Wein.
 Drum trink' halt e' Jeder fein' Stiebbel,
 Un' loszt's nor nit los, dann wann deß vergeht,
 Wie's nocher vielleicht mi'm futurum steht,
 Do wann ich dra' denf' werd mer übbel!

Der Läschterer.

„Was sächt mer dann als, unser Herrgott sorgt
 For die Mensche'finner so gut,
 Was gebt er uns dann, was habe' mer dann,
 'S is jo nit der 'werth, was er thut.“
 So hot e' alter Brummler gered't
 Im Werthshaus spät in der Nacht,
 Un' über dem Brummle' dufst er ei'
 Un' hot e' Schläfche' gemacht.
 Do sieht er e' herrlich'i Gegend im Traam,
 'N Garte' mit Obst un' Gemüs',
 Mit Korn un' mit Vieh, mit Böchl un' Fisch',
 Un' Traube' wie Zucker so süß.
 Un' nebe' drbei en' erbärmliches Land,
 So arm un' verlosse' un' leer,
 Als wann seit undenkliche' Zeite' do
 Ke' Gräsche' gewachse' nit wär'. —
 Was Deubl, wie is die Gegend so reich
 Un' drnebe' so wischt un' so leer,
 So ruft er voller Verwunnerung aus,
 Un' do summt e' Engl drher.

Un' der Engl sächt 'm: deß derre Land
 War wie deß annre so schö',
 U' du bischt kumme do her uf die Welt
 Mit deine' wozliche Bee',
 Doch seit du gelebt, so hoscht de' bis heut'
 Gefresse' sei' ganzi Pracht
 Mit Vieh un' Gewächs' un' gesoffe' d'zu
 Den Wein, den die Traube gemacht.
 Jez' merk' dir's, was unser Herrgott thut
 For een, wie's tausende git,
 Un' halt' mer dei' Maul du brummliche Seel,
 Günscht hot es e' End' drmit!
 Do hot der Brummler 'n Schnapper getha'
 Un' is for Schrecke' erwacht,
 Un' hot über Gottes Güt' un' Verstand
 Sei' Lebtag fe' Wörtche' mehr g'sacht.

'S Diner.

Es war e' groß' Esse', e' luschlich' Geshcht
 Un' wie so im beschte' Zug die Gäscht,
 So hot eener gsacht „sich! 's Lebe' sollt sei'
 Als wie e' gut' Dinner, verklärt vum Wei'
 Un' am luschtingschte als, wanns geht uffs End,
 Wo Alles sich Freund un' Bruder nennt,
 So wär's halt e' Luscht, aber 's is grad verkehrt,
 Dann geht's uff die letscht', is's kenn' Penning mehr
 werth. —

Do sächt 'm e' Aunrer „„Heut' wär' so e' Tag,
 „„Do könnt' dich beim Kaffee juscht treffe' der Schlag,
 „„Un' wann's jeh' so wär', he? wärs nocher recht?““
 „Halt! ne' Sapperment, was mer Dummheite' sächt,
 „Ne, ne lieber Freund, ich hab' ganz druff vergesse',
 „Mir wolle' noch öfter minanner esse'!“

Die Ring'.

E' Märche'.

Im Garte' am blüh'nde' Bäämche'
 Do plaudre' die Blätter im Wind,
 E' Mutter gautscht e' fleee Mädche',
 Ihr allerliebsteß Kind.

Do kumme' zwee Böchl gefloge',
 Die finge' im Bäämche 'rum,
 Der eene war roth wie die Rose',
 Der ee' wie e' Liliablum'.

Der weiße der fängt vun Thräne',
 Er fängt gar traurig un' trüb,
 Der roßige fängt aber lufchtich,
 Der roßige fängt vun der Lieb'.

Un' wie se e' Weilsche' gesunge',
 E' jedder wie Nebbl verschwind't
 Un' do hänge' zwee Ring' an de' Aeschtcher
 Un' 's langt um 'n jede' deß Kind.

Der Ring vun dem weiße' war Silber
Un' der vun dem rothe' war Gold,
Die Mutter die hot nor den eene'
Vun luschliche' Böchl gewollt.

Un sie hängt 'n an 'n Hals ihrn Mädche',
'S sollt luschlich gedeihe' drbei,
Un' desß Kind is aach luschlich gewachse'
Un' is worre' so schö' wie der Mai.

Es hot nix gewißt vun de' Thräne'
Un' hot se' Sorge' gekennt,
Aber aach im sechzehnte' Summer
Do war desß mit eemel e' End'.

Sie hot am e' stille' Morge'
Im Garte' die Blume' betracht'
Un' do find't se desß silberne Ringche',
Desß hot se in Wehmuth gebracht.

Vun selbiger Stund war nimmer
Wie sunscht die Luscht so groß,
Der Himml vun ihrn Lebe'
War nimmer wolke'los.

Ja ja, die Böchl, ich kenn se,
Die Böchl regiere' die Welt,

Sie fliege' aach als mitenanner,
 Als wärn se zammiebestellt,
 Un' findscht de deß goldene Ringche,
 Is bal' aach deß anner' dabei,
 Es is ke' Ros' ohne Dorne',
 Ke' Lieb' vun Thräne' frei.

Der unglückliche Dichter.

„Daß ich so gern e' Dichter wär',
 Un neidich bin em e' jede',
 Deß is bloß, weil se so per du
 Mit alle Mensche' rede'.
 Mit grad, als wann's mit Kaiser ich
 So wollt' un mit de' König,
 Was froche' die noch unser eem,
 Ach nee ich wünsch' nor wenig.
 E' Mädsche' liecht mer als im Kop'
 An die nor möcht' ich dichte',
 An die möcht' ich des liebe Du
 In e' Paar Verscher richte'." —
 „„Deß kannscht de jo, red' nor so rum
 Bun Rose'blum und Heiligthum
 Un vun verliebt
 Un vun betrübt,
 Do loß dei' Du nor tüchtig los,
 Die Dichterkunscht is nit so groß.““
 So hab' ich mit'm e' Freund geredt,
 Ach wär's doch nie geschehe',

Dann uf sein Noth, do fang ich an
 Die Verslacher zu drehe'.
 Un schreib' ihr uf e' Poschtapapier:
 „Ich bin verliebt un bin betrübt
 Un du, du all' mei' Heilichthum,
 Du bischt's du scheeni Rose'blum“ —
 Un schick' des Zettlche' zu ihr.
 Do schickt se mer e' Körbche' zu,
 Jeg' sacht emol, was thu' ich,
 G' Ros' war drinn un do steht druß:
 Jeg' se'n Se aber ruhich! —
 Der Deubl hol' die Dichterei,
 Die Alles mir genumme',
 Dann seit dem Vers do war's vorbei,
 Bin nie zum Du mehr kumme'.

Vum e' Gaul.

Es sächt e' altes Sprichwort
Un 's is gar ehrewerth,
'S hätt' uff' der Welt e' Jeder
Sei' eige' Steckeperd.

'S hot aber aach e' Jeder
'S anner Perdche' noch
Un will er's nimmer reite',
Beist er am letschte' Loch.

Ich will's euch explicire',
Die Zeit, so heeßt der Gaul,
Un der leid't gar fenn' Zichl
Un Baam im große' Maul.

Deß Thier is voller Raupe',
Dann sinn mir klee' un jung,
So will's nit bsunners springe',
Als fehlt's 'm an der Lung',

Doch wie mir älter werre',
 Werd jünger als der Gaul,
 Un fangt hübsch an zu laafe'
 Un thut nimmer so faul.

Un laaft un springt als ärger
 Am End' im Carrière,
 Deß geht, wie's Dunnerwetter,
 Mer sicht un hört nit mehr.

Do is ke' Red' vum Halte',
 Der Gaul der werd nit müd,
 Bis mer de' Hals gebroche',
 Deß is deß End vum Lied.

Rittmeschter un Bereiter!
 Die ihr so gut dressirt,
 Do thut emol dressire', —
 'S hot's kenneer noch probirt.

Der Bankozettl un' der Dukat.

& Bankozettl un' e' Dukat
 Die sin' beinanner geleche'
 Un' weil se Langweil g'hat alle zwee,
 So habe' se plaudre' möche'.
 Do sticht der Zettl „du goldner Knopp,
 „Wie geht d'r's dann mi'm Tanze',
 „Ich möcht' wohl wisse, wie deß is
 „Mit so 'me schwere Ranze'.“
 Do säch't der Dukat „„hab genuch getanzt
 „„In Humborch beim Roulette',
 „„Mer braucht nit zu sey' so e' Fledderwisch
 „„Wie du for Pirouette'.““
 Do säch't der Zettl „e' Fledderwisch,
 „Deß brauch' ich nit zu leide',
 Ich bin so viel un' mehr wie du,
 „Do derf' mer gar nit streite',
 „Un' wann de e' bische' Bildung hoscht,
 „Muscht' die Reschcripte' kenne',
 „Die mich un' mei' Kammrade' all'
 „Noch Rang un' Werth benenne'.“

Do sächt der Dufat „„ich brauch' fe' Reschcript,
 „„Bin doch in Werth un' Ehre',
 „„Du bischt Papier un' bleibsch Papier,
 „„Ich will mich nit mit d'r scheere'.““
 Do hupt for Born der Zettl uff
 Un' kummt drbei in's Schwebe'
 Un' fliegt uff de' heese' Dfe' hi',
 Der war zum Unglück d'rnebe'.
 Jesh hot er gegrifche' un' 's hot nix genutzt,
 Er thut gar gschwind verfohle',
 Der Dufat hot gelacht un' hot 'm gsacht,
 „„Loß dei' Reschcript doch hole',
 „„Un' saach dem Dfe', wer de bischt,
 „„Er soll dich respectire', —
 „„Jesh' weeschts, de innerliche Werth
 „„Kann fe' Reschcript dictire'.

Der Name'.

Wie woll' mer 's Mäbche' heese'?
 „„Gi Rösche', deß wär' schö',““
 Ja ja, e' hübscher Name',
 So lang se jung un' flee,
 Doch werd deß Rösche' älter
 Un' werd deß Rösche' alt,
 So meen' ich, thut sich's nimmer,
 Daß mer der Name g'fällt.

„„So heese' mer se Gretche',““
 Geh' wech, warum nit gar,
 Do wär' jo wege' dem Name'
 Ihr Kopp in gröschter G'fahr,
 Dann thät se emol lese'
 Bum Fauscht die sauber' G'schicht',
 So thät se aach so schwärme',
 Wie selli im Gedicht.

„„So nehm' de' Name' Binche',““
 Was soll dann Binche' sey'?
 „„Gi Philippin' vun Philipp,
 Der Name' der is fei'.““

— Nee, will mer aach nit g'falle',
 Ich hab' so een' gekennt,
 Der hot mich oft beschummt,
 Mer hot 'n Philipp genennt.

„So heese' mer se Lische'!“
 — Ja Lische', desß passirt,
 Desß is e' hübscher Name',
 Is aach nit affektirt,
 Un' werd's e' alti-Schachtl,
 Ach wie's halt g'schehe' muß,
 So kann se Lisl heese'
 Desß macht ihr kenna' Verdruß, —
 Kumm her mei' liebes Lische',
 Ei guck nor, wie se lacht,
 Gel' Schätzche', gel' der Vater,
 Der hot's schon recht gemacht!

Der Mensch.

Der Mensch is wie e' Humpe' Wein,
 Betracht's emol so recht,
 Der Humpe' is oft schö' un' gut,
 Was drinn is aber schlecht;
 Der Humpe' is oft reich gekrängt,
 Doch drinn im Wei' ke' Blum'
 Un' Alles, was emm' g'falle' thät
 Nor auswendig 'rum.

'S is aber aach oft umgekehrt,
 Der Humpe' sicht nix gleich,
 Drinn aber blinkts wie flüssig' Gold
 An Herrlichkeite' reich,
 Oft fehlts an Form un' an Façon
 Un' meenscht 's wär' gar nix dra',
 Drinn aber is for Lieb' un' Luscht
 E' Himml uffgetha'.

Un' doch is deß Exempl nix,
 Dann Gen's is ganz gewiß,
 Daß mehr e' großer Humpe' faßt
 Als wann's e' fleener is,

'S git aber Leut' wie die Kameel',
 Sie könnte' nit größer sey'
 Un' trichterscht dra' aach wie de willscht,
 Du bringscht halt doch nix 'nei'.

Un' wiedder manche Ann're git's,
 Die gar ke' Niese' sin'
 Un' spruddle' doch vun Scherz un' Wis
 Als wär' e' Faß voll drinn,
 Sich! so ee', wann ich zaubre' könnt',
 Deß müßte' mei' Humpe' sey',
 Wie viele Liedcher thät' ich do
 Mir hole' aus ihr'm Wei'.

Der alte Herr.

E're Kindemagd begegnt e' alter Herr,
 Gottes Bliß, die Magd is schee';
 Sie hot e' kleenes Kind uf'm Arm,
 Der alte Herr bleibt steh',

„Ei was e' schee' Kindche, sächt er zu ihr,
 Wie frisch die Agelinn sin,
 Und die Bäckcher grad wie die Rose' so roth
 Un niedliche Grübcher drinn.

„Du bischt gewiß brav du goldich Ding,
 Mer kann jo nit artiger sen',
 Ich gäb' viel Geld drum, hätt' ich dich
 Un wärscht du Engelse' mei'.“

Un wie er so red't, so hot er nor als,
 Mit 's Kind, sondern 's Mäddche' betracht't,
 Die hot sich d'rbei ihrn Theel gedenkt
 Un hot ganz heemlich gelacht.

„„Gi, sächt se zum Kind, sach': Lieber Herr,
Wann Sie e' so freundlich sin',
So kaase' Se mer aach e' neuu Haub'.
Damit ich noch hübscher bin.““

Do krablt der Alte gar gschwind im Sack
Un holt e' Paar Thaler 'raus
Und gebt se der Magd voller Bärtlichkeit,
Als wär's e' Blume'strauß.

Die nemmt se un sächt zu dem Kleene: „„So!
Jez' geb' aach e' Händche' dem Herrn,
Dann jeziger Zeit is's e' Selte'heit,
Hot eener die Kinner so gern.““

Do fahrt 'm deß Kind mit der Hand in's Gesicht,
Un sie sächt: 'fell' mich gar schee,
Un geht wieder fort un der Alte guckt
Un guckt und bleibt als noch steh'.

Do hat er zwee Sache' gesehe' noch,
'S Kind hot 'm mi'm Armche' gewinkt,
Un drei junge' Soldate', die habe' die Magd
Mit Richte' un Scherze' umringt. —

Ich weess nit, deß ee', wie deß anner' war
Zuscht nit sei' bsunnerer Spaß,
Dann er hot nit gewinkt dem freundliche' Kind
Un gebrummst hot er so 'was.

Welli kriecht de' Mann?

Es hot e' Vater drei Töchter g'hat,
 Alle drei zum heurate' recht,
 Un' hot ihne' aach bal' a'gemerkt,
 Daß jedi e' Fraa' werre' möcht'.
 Jetz' hot's aber an der Aussteuer g'fehlt,
 For eeni hätt' sich's getha',
 For drei aber nit, do happerts mi'm Geld,
 Was fangt der Vater do a'?
 Er ruft emol zamma die Mädcher die drei
 Un' sächt: Ihr Kinner gebt Acht,
 Do steht e' Schüßl mit Wasser voll,
 Do werd e' Lottrie gemacht.
 Wäscht euch drinn die Händ un' habt ihr's getha',
 So trüßlt se nit mi'm e' Tuch,
 Un' der se d'ererschit e so trucka wern,
 Die kriecht for die Heurat genug,
 Die Annere müße halt waarte' noch,
 Seht Mädcher, ich thu' was ich kann,
 Do fange' die Mädcher zu wäsche' a'
 Un' jedi denkt an 'n Mann.

Un' wie se die Händ' gewäsche g'hat,
 So hot die Jüngsch' luschlich gelacht
 Un' gefichert „ich maach nit, ich maach kenn' Mann“
 Un' hot deß als wiedder gsacht,
 Hot aber derbei gar gschwind in der Luft
 Die Händcher piffig gedreht,
 Die Annere habe' do dra' nit gedenkt,
 Daß 's Trüchle' so gschwinder geht.
 Un' richtig die Jüngsch' is worre' die erscht'
 Un' het ihr'n Mann davor 'friedt, —
 Wann's wiedder emol so e' Spielche gäb'
 Ihr Mädcher, so merkt euch die G'schicht'.

Mei' Mäddche'.

Mei' Mäddche' hot e' Gesichtche'
 Als wie e' Rose'blatt
 Un hot e' Haut wie Sammet,
 Wie fenni in der Stadt.

Mei' Mäddche' hot e' Herzche',
 Es könnt' nit lieber sey'
 Un wann ich brav bin, sächt se,
 Schreibt se mein' Name' 'nei',

Mei' Mäddche' hot e' Paar Händcher,
 Die ich se'mm annre gunn',
 Sie hot mer aach versproche',
 Sie gebt mer eens d'rvun.

Mei' Mäddche' hot e' Paar Füßcher,
 Wie tanzt se do d'rmit,
 Es derse' hunnert tanze',
 So tanze' se doch nit.

Mei' Mäddche' deß hot Alles,
 Was herrlich uff der Welt,
 Nor Gen's, du lieber Himml,
 Sie hot kenn' Kreuzer Geld!

Drum soll ich se nit kriege'
 Weil se kenn' Kreuzer hot,
 Ach drüber werr' ich sterbe',
 Trösch't' mich der liebe Gott!

E' Froch' (Frag).

E' Jäger hot Schnaps getrunke',
 Do drüber schloft er ei',
 Do macht sich fort sei' Hündche'
 Un laaft in de' Wald 'enei'.
 Un jagt als wie besesse'
 En' Hersch uf e' Chaussée,
 Do kummt e' Wage' gfahre',
 Die Gäul' werrn scheu, o weh!
 Sie schmeise' um den Wage'
 Zuscht am e' große' Stee',
 E' reicher Herr der drinn war,
 Der brecht sich Hals un Bee'.
 Der Kutscher, e' armer Teufl,
 Der schlägt e' Loch in die Erd',
 Un fällt do in en' Keller,
 Der Fall war ebbes werth,
 Dann ihm is nix geschehe',
 Als daß er findt 'n Schatz,
 Der war wie lang vergrabe'
 Zuscht an demselle' Platz. —

Hätt' jeh der Jäger nit Schnaps getrunke',
 So hätt' er aach nit so schlofe' müße',
 So wär' 'm der Hund nit dervu' gelosse',
 So wär' aach der Hersch im Wald gebliebe',
 So hätt'n die Gäul' nit verschrecke' könne',
 So hätt' der Wage' nit umgeschmisse',
 So hätt' ke' Reicher de' Hals gebroche',
 So wär' ke' Armer nit reich' geworde'. —
 Bedenkt mer jeh' e' solchi G'schicht',
 Wie's noch gar viele gi't,
 So weesß mer saam, waß besser is,
 Schnaps trinke' oder nit.

Der Verliebte.

Was kummert mich des Mohre'land,
Mit all' fein'm viele Gold,
Mit alle' seine Edlste,.
'S hätt' doch nit, was ich wollt'.

Was kummert mich des weite Meer,
Un' all' sei' Perle' drinn,
'S is Alles nix, mei' Mäddche' wär'
Mei' Perle'königinn.

Was kummr' ich mich um Geld un' Gut,
Ach, wann ich die nit seh',
Wann ich vor lauter Sehnsucht noch,
Vor lauter Lieb' vergeh.

De' ganze liebe lange Tag
Trag' ich ihr Bild mit mir,
Un' kummt die Nacht un' schlof ich ei',
So traam' ich nor vun ihr.

Sie weesß gar nit, wie lieb se is,
Un' ich, der's so gut weesß,
Ich derf ihr's sage' nit emol,
Sunscht werd der Vater böf,

Sunscht fangt die Mutter 's Brumme' a',
Ach Gott, die liebe Leut,
Warum se do so krittlich sin',
Un' sunscht so gut un' g'scheut.

Sie sage' als, du bischt noch nix,
Verdien' dir emol was,
Mer heurath't nit, als wie du meenscht,
Kenn' Heller in der Raß'.

Ja, ja, 's kann seh', sie habe' recht,
Mer lebt nit umesunscht,
Un' desß Verdiene' geht so zäh',
Desß is e' harti Kunscht.

— Ja, ja, 's wär' doch so übl nit,
Hätt' ich desß Mohre'land,
Mit all' sein'm Gold, do ging's mer wohl
Als anners vun der Hand.

Ja meiner Seel', hätt' ich desß Meer
Un' all' die Perle' drinn,
Do wär' ich wohl um so viel mehr,
Als ich jek' gar nix bin.

Ja, hätt' ich ner brav Geld un' Gut,
 Dennoch wär's gewiß,
 Ich derst's ihr sage', wie ich's weef,
 Wie lieb un' gut se is.

O Gott verzeih' mer's, wann ich oft
 So übermüthich thu',
 Un' wann ich Geld un' Gut veracht'
 Un' Land un' Meer drzu.

Ich will's mei' Lebtag nimmer thu',
 O helf e' bißche' mit,
 Daß ich mei' Schätzche' liebe' derf,
 O Gott, verdenk mer's nit.

Die Auswanderer.

Es siße' zwei vergräunte Gfichter
 Weinanner beim e' Schoppe' Wein,
 'S sin junge Leut', die sin sunscht luschlich,
 'S muß denne' halt was g'schehe' sehn;
 Do sächt der ee', for was sich plooch'e
 In so 'me Land? es g'schicht uns recht,
 Was geh' mer nit, es git noch Länder,
 Die sin weefß Gott, nit gar so schlecht,
 Amerika! dort is e' Lebe',
 Do hunzt mer sich nit so, wie hier,
 Dort is der allerschlechtschte Pflanze
 Als wie bei uns e' Cavalier;
 Natürlich, denk' der nor den Reichthum,
 Der Wein un' 's Korn die wachse wild,
 Bun Froscht un' Winter fe' Gedanke',
 Der Himmel is jo gar zu mild,
 Dort pample' enm die Goldorange'
 In's Maul, do knifert sich's nit drum
 Un' Tubak wachst, wie bei uns Dischtle
 Un' frei geht dort e' jeder 'rum

Un' jagt un' treibt's noch sein'm Gefalle'
 Un' heurath't wie er will un' mag,
 Do ploocht emm fe' Regierungswese'
 Un' Borschrift, wie hier alle Tag.
 Un' hot mer Glück, nor for 'n Kreuzer,
 So find't mer aach 'n Klumpe' Gold
 Un' kann sei' Lebelang dra' zehre',
 Dann 's git genung, wer's suche' wollt'.
 Horch, geh' mer hi', was Palz un' Pälzer!
 Do is for Genigkeit fe' Sinn,
 Die Landsleut' ließe' emm verhungre',
 Deß is e' anner Korn dort drinn!
 Stoß a' Rammrad, mir wolle' reese
 Fideel un' luschtich über's Meer,
 Un' habe' mer de' rechte' Seckl
 Un' 's gfallt uns, kumm' mehr widder her! —
 — Die Gränk! do guck emol deß Gfändl,
 Deß müsse' jo Zigeuner sey',
 Schlawake' oder Sansculotte',
 Wie kummt deß Lumpevolk do rei',
 Wo send ihr her, ihr Bettlgsichter,
 Drei Schritt vum Leib', nor nit so nah —
 — „Mir sin vum Rhein, sin ausgewannert
 Un' kumme' vun Amerika.“

Wie e' Volk sey' soll.

E' Volk soll sey', wie die Rinner sin',
 Wo e' guti Werthschaft im Haus,
 Sie halte' zamme' wie Aescht' am Stamm,
 Un' helfe' sich redlich aus.
 Un' gits 'n Verdruß, wie's halt so geht,
 Un' en' Unfriede' in der Famill',
 Sie helfe' versöhnlich bis es vorbei
 Un' schweige' drzu un' sin' still,
 Un' was een's selber nit billige' kann,
 So is es 'm doch nit recht
 Wann e' fremder spizlicher Naseweis
 Nach drüber salbadre' möcht'.
 Es git schon Völker die e' so sin
 Un' achte' ihr eige' Gethu'
 Un' schreie ihr Fehler nit überall 'rum
 Un' decke' die Schwachheite zu,
 'S git aber aach annre, doch nenn' ich se nit,
 Sunsch käm's am End druff 'raus,
 Daß eener thät sage', was predichschd dann du?
 Du plauderscht jo selber aus.

Die interessant' Geschicht'.

Wie ich noch in Humborch war,
 'S werd drei Johr jeh' sen', —
 Nee, es sin schon über sechs',
 Gbe' fällt's mer ei',
 'S hot der Gabler noch gelebt,
 Der Feldwebl, weescht,
 Der war in der Cumpanie
 Sellemol der grösch't',
 'S braune Lische' war sei' Schaz,
 Die war emol schee',
 'Meen', ich seh se alsfort noch
 Mit dem Lange' geh',
 Ein die Bube' aach schon groß,
 Gener der is hier,
 Is e' guter Waldhornischt,
 Bloost als wie e' Stier.
 „No un wie d' in Humborch warscht?“
 Ja! wie ich in Humborch war, —
 'S is vun uns derheem
 Raam drei Stund, des heest mehr gehts

In drei Stund bequeem,
 Wann mer über Erbach geht,
 Dann vun obe' 'rum
 Is's viel weiter, weil die Stroß
 So gewaltig frumm, —
 Ja wie ich in Humborch war,
 Hot's amol gebrennt,
 Beim e' sichere, — ei die Gränf
 Hot mer'n doch genennt, —
 Beim e' sichere Ruffilliard,
 Oder Millerbeer,
 Nee, es war beim Ruffilliard,
 War vun Strasborch her.
 Wie der Brand entstanne' is,
 Weeß mer heut noch nit,
 'S war als wie e' Herewerk
 Zuschtoment d'rmit,
 'S habe' wohl die eene' gsacht,
 'S wär' e' Buberei,
 'S wär' geleeht, un 's kann aach sey',
 'S war so was derbei;
 No, da sin zwee Häuser halt
 Worzwech abgebrennt,
 'S war zuscht mitte' in der Nacht;
 Alles ist gerennt
 Un' ganz Humborch hot gelöscht,
 'S Lösche' war a Kunst,

Wege 'm Wind, do is's fe' Spaß
Um e' Feuersbrunsch.

Ja, deß war juscht sellemol

Bei dem Ruffilliard, —

Wie ich noch als Aspirant

In dem Humborch war. — —

Ja mei' lieber Freund, so geht's.

Der Stimmschlüßl.

Bei einem Diner bei S. M.

Der Mensch, ihr Kinner, kummt mer vor
 Mit anners wie e' Zither,
 Die Phantasie die spielt do d'ruf
 In ihr'm goldne Glitter.
 Sie spielt in Moll, sie spielt in Dur,
 Sie spielt in alle Arte',
 Wie Blume' hell un' dunkl blüh'n
 Weinanner im e' Garte'.
 Doch wer die Zither stimme' will,
 Der muß gar viel studire'
 Un' 's kummt viel uf de' Schlüßl a',
 Sunsch't werd ke' Lied florire'.
 Ich hab' mich lang schon dra' gemacht
 Un' spiel' aach so mitunner
 Un' kenn's jez' bal' deß Instrument
 Un' aach deß Schlüßlwunner.
 Der Schlüßl sich' is e' Bouteill',
 Deß hot sei' bsunnre Sacha,

Dann 's Erscht' is do', die Saite' all'
 Gehörig feucht zu macha.
 D'rumb is aach die Bouteill' nit leer,
 Sie werd's erscht noch 'm Stimme',
 Ja, Wein is d'rinn, e' guter Wei',
 Sunst friecht die Zither 's Grimma.
 Doch wann d' se stimmst mit gut'm Wei',
 So geht se hoch zum Stauna
 Un' singt gar luschlich un' gar fei'
 In rose farbne Laune. —
 'S is noch e' Mann do an dem Tisch,
 E' großer Musikmeeschter,
 Der kennt den Schlüßl aach gar gut,
 Den liebe' Sorge'tröschter.
 Un' hot uns all' gelade' heut'
 E' groß's Concert zu spiele',
 Und gebt fein' beschte Schlüßl her,
 Er will 'was Guts erziele'.
 Drum stimmt un' spielt als luschlich fort
 Un' löst die Saite' singa,
 Un' der so gern den Schlüßl gebt,
 Dem thut e' Vivat bringe'.

'S Herz.

Mädche' loß dir 'was verzähle',
 Geb' mer uff dei' Herzche' Acht,
 Is es aach gut eingemacht,
 'S wär' halt doch vielleicht zu stehle';
 Un deß weescht de selber gut,
 'S Herz is mehr als e' Vermöge'
 Un gar viel is d'ran gelege',
 Wann mer deß verliere' thut.

Ganz was anners, liebes Schätzche'
 Is es aber, wann mit Art
 Dir e' Freund deß Herz verwahrt
 Am e' gute' sichere' Plätzche'.
 Do is nix d'rbei rischquirt,
 Drum, so geb mir 's ufzuhebe',
 Will jo gern mei' ganzes Lebe'
 Sorge', daß 'm nix passirt.

Der Schnecke'peter vun Mann'em. (Mannheim.)

Es war emol e' fleener Mann,
 Der Mann hot Peter g'heese',
 War hochgelehrt, hot viel' gewist
 Im Schreibe' un' im Lese',
 Un' wunnerbar,
 Deß Männche' war
 Der gröschte Feind der Schnecke'!

Bun denne' Beschtie', hot er gsacht,
 Do is viel Unglück kumme',
 Do hot die Lahmheit allerersch
 'S Exempl dra' genumme',
 Un' aller Hang
 Zum Schnecke'gang,
 Er stammt halt vun de' Schnecke'!

Do hot er g'führt 'n große' Krieg
 Mit jeder Art vun Schnecke',
 Hot druf geklopt un' zammag'haut
 Deß Vieh in alle' Ecke',

Deß war e' Schlacht
Bei Tag un' Nacht,
Die Schnecke' ware' wüthich!

Do habe' se 'n Bund gemacht,
Un' habe' sich vermesse',
Grad, wie die Mäuf' am Bingerloch
Den Bischof Hatto g'fresse',
So soll's 'm geh'
Un' forz un' flee',
So wolle' f' 'n tranchire'.

Druf sah mer se vum Garte'schneck,
Bis zu de' Wendeltreppe',
Im Rittl un' in Uneform
In der Armee sich schleppe',
Mit Schild un' Speer
War 's ganze Heer
Bis an die Zähn bewaffnt.

Un' heemlich in 're Nege'nacht,
Do sin se ufgebroche',
Un' sin viel tausend ufemol
Still in sei' Nescht gekroche',
Un' d'rüber her,
Trog aller Wehr,
Un' habn 'n richtig g'fresse'.

Zum Angedenke' an die G'schicht',
 So hot mer nocher bschlosse',
 Un' hot e' so 'n kleene' Mann
 Bun· Schnecke' mache' losse';
 'S is dra' fe' Fleck
 Wo nit e' Schneck,
 Des is der Schnecke'peter!

Den s'cht mer heut in Mann'em noch,
 Un' seit des Unglück gschehe',
 So fann mer manch'n Schnecke'gang
 Un a' gefochte sehe',
 Dann 's is fe' Spaß
 Mit so 're Race,
 Un' 's git gar böse Schnecke'!

Die Christnacht.

Im Kölner Dum, geht e' alti Sag',
 In der Christnacht werd's uf eemol Tag',
 Un' werre' die Fenschter hell beleucht't
 Un' e' seltsamer Schein zum Himmel steigt,
 Un' do glanz't in der Kerch der Wunnerstern,
 Der die heilige drei König hot g'führt zum Herrn.
 Un' wann deß g'schicht, so geh'n um de' Dum
 Die heilige' drei König feierlich 'rum,
 Un' mache' e' unsichtbari Rund
 Un' thue' de' Mensche' Ermahnunge' kund.
 Un' der Kasper beginnt: Ihr, arm un' reich,
 Der Herr will Friede' un' Ruh' unner euch,
 Un' der hot nit de' Christliche' Sinn,
 Dem der Unfriede' haust im Herze' drinn.
 Un' d'ruf der Melchior aach fangt a'
 Un' sächt: der Herr hot euch Gut's getha',
 Damit ihr deß Gute' liebt un' ehrt,
 Un' daß ihr euch nit zum Böse' kehrt.
 Un' nocher vernehmlich der Balthasar sächt:
 Der ner for sich de' Himml möcht'

Un' nie denkt an deß Nächste' G'schick,
 For sich nor sorgt un' for sei' Glück,
 Der hot nit gelernt, de' Herrn versteh',
 Un' werd de' rechte' Weg nit geh'. —
 So sage' die König un' rufe's in's Herz,
 Wann sich's will hebe' himmlwärts,
 Un' Mancher hot's g'hört in seller Nacht,
 Un' Manch'n hot's zum Bessere' gebracht.

For die Langweil'.

Mer kann oft höre' uff der Welt,
 Wie bittri Klaach die Mensche' führe',
 Die Langweil thät halt ferschterlich
 Do uff dem Erdekloß regiere'.
 'S is wohr, doch' git's jo allerhand, ..
 Deß böse Uebl zu verjage',
 Un' fällt euch juscht nix bessers ei',
 So will ich euch e' Spielche sage'.
 Es is ganz hübsch, wann wie e' Fisch
 E' Mensch schnappt noch 'me Angelföder,
 Un' wann er sich do dra' verbeißt
 Un' beiße' thut amol e' jeder.
 For so e' Spiel, do muscht de nor,
 Was ihr Begierde gern verlange',
 Als Köder an die Angl thu',
 Un werscht se noch dein'm Wille' fange'.
 Der Köder heeßt Gelegnheit,
 Die Bissfigkeit zu producire',
 Un' wittern se vun weitm die,
 So hoscht se, eh' se nor was spüre'.
 En' Jäger kannscht de Stundelang

An deiner Schnur so zable' losse',
 Verzähl' 'm nor e' eenzich Stück,
 Wie piffig du 'n Fuchs geschosse',
 Un' wär' die Gschicht aach noch so forz,
 Er kann ihr End' doch kaam erwarte',
 So schnapt er schun un' spruddlt los
 Mit dem, was ihm geblüht im Gaarte'.
 En' Eisefresser berffcht de nor
 E' bische' duppe' mit 're Gabl,
 So meent er glei' e' Dege' wär's
 Un' summt mit sei'm Duellgebabl.
 Un' gar e' junger Advocat,
 Dem geb' vum e' Proceß 'n Brocke,
 So lärmt er fort wie e' Cascad,
 Un' thätscht zwee Stunde' vor 'm hocke'.
 Un' kannscht erscht eem 'n alte Wig
 Hübsch deutlich an die Nas' placire',
 So packt er 'n, wie e' Hund 'n Räs
 Un' werd dich höchlich amesüre';
 Do werd der brummichschte vergnügt,
 Derffcht nor e' bische Beifall lacha,
 Un' kannscht uff so e' leichti Art
 Oft een' wahrhaftich glücklich macha.
 Un' weil des Spielche' gar fe' Kunst
 Un' doch Vergnüge' thut gewähre',
 So is's nit recht, sich uff der Welt
 So über Langweil zu beschwere'.

Der Jäger.

„Nix als Jage' un' nix als Jagd,
 Hot die Fraa' gezankt,
 „Hab' dann ich 'n Jäger gewollt,
 „Ne' do hätt' ich gedankt,

„Nor wo e' Haas' un' e' Hinkel sitzt,
 „Deß bekümmert dich,
 „Un' der dumme Hektor gilt
 „Mehr als die Kinner un' ich.“

„„Nor nit so böf', mei' lieber Schatz,““
 „Fangt jeh' der Jäger a',
 „„Was es um's Wieddersehe' is,
 „„Gel' do denkscht nit dra',

„„Git's 'was schöners uff der Welt,
 „„Als de' Genuß, mei' Kind,
 „„Wann emm' 's Schicksal hot getrennt
 „„Un' wann mer sich wiedder findt?

„„Sich! do lernt mer's fenne' erscht,
 „„Was mer enanner werth,
 „„Wie mer sich liebe' thut un' wie gern
 „„Gens zum Annre begehrt.

„„Wann aber ich jeh' waarte' wollt'
 „„Bis so e' Schicksal fäm',
 „„Deß mich ewech cummadire' thät,
 „„Wär' jo als drheem!

„„Wär's mit 'm Wieddersehe' nix,
 „„Nix mit dem ganze' Genuß,
 „„Sich d'rum bleibt mer fe' anneri Wahl
 „„Als daß ich jage' muß. —

An die Rhein-Traube'.

Grüß' euch Gott, ihr liebe Traube',
 Grüß' euch Gott viel tausendmal,
 'Hab' euch gar so lang' nit g'sehe',
 O wie is mer wiedder wohl!

Muskateller un' Traminer
 Un' ihr Riesling fei' un' zart,
 All' so duftich, all' so luschlich,
 Sehd noch all' so wie ihr wart!

'Hab' derweil viel' Traube' g'sehe'
 In dem heese' Griecheland,
 In Corfu un' in Italie',
 Ja do wachst aach allerhand.

Große, scheene, gute Traube',
 Zuckersüß un' schwer un' reich,
 Doch des liebschte dra' des war mer,
 Daß ich hab' gedenkt an euch!

Gel' ihr froocht, was dann die Fremde'
Roche' for 'n Moscht un' Wein',
Ob mer aach, wie bei dem eure'
Kann so froh un' luschtich sen'?

Rinner nee, do müßt' ich lüge',
Nee do sin se weit drun,
Wie aach herrlich dort der Himml,
'S helfst 'n doch se' deutsch i Sunn!

'S is e' Wein so zum Versuche',
Wißt 'hr, so als wie Liqueur,
Loßt sich nit in Humpe' trinfe',
Daß drun zu rede' wär',

Daß mer 'nei' guckt mit Vergnüche',
Drinn sich sucht e' schönri Welt,
Daß mer d'rüber kann vergesse',
Wie die Stunde' knapp gezählt,

Daß mer jung werd, wie e' Jüngling,
Wär's aach lang schun nimmer wöhr,
Ohne Sorg' un' unbekümmert
Um die viele dumme Johr.

Rinner, 'will euch gar nit schmeichle',
'Hab's mei' Lebtag nit getha',
Aber do seyd ihr die erschte',
Seyd de' annre' all' vora',

Un' als guter Freund so röth' ich,
 Geh' mer kenn's vun euch do nei',
 Recht nor fort im schöne' Gaarte',
 Den ihr habt am deutsche' Rhei'!

Der Heuratsantrag.

Mädche', o trau' nit de' junge' Herrn,
 'S sächt dir e' jeder, er hätt' dich gern,
 Aber sie lüge', wie gedruckt,
 Bis se dir 's Herz un' de' Kopp verruckt.
 „„'S werd so gefährlich nit seyn'.““

Wann ich dir's sag', die junge' Leut
 Sin nimmer so, wie zu meiner Zeit,
 Wann se genung ihr Couranze' gemacht,
 Wird hinne' nōch nor d'rüber gelacht.
 „„'S git doch noch annere aach'.““

Sich! so e' Mann, der was kann und was is,
 Desß is e' Mann, do weschd doch gewiß,
 Daß er 'n Ernscht hot, un' sorgt for dich,
 Mädele, sich! so e' Mann wär' ich!
 „„'Si ja gewiß, Sie sin' brav'.““

No', un' was is dann nocher nit recht,
 Weeschd lang, daß ich dich heurate' möcht',

Geb' mer dei' Händche', sey gut mei' Kind,
 Nor nit so bsinne', als luschtich, gschwind!

„„Muß d'rüber schlofe' zuvor.““

Ich hab' e' Haus, 'n Gaarte' drbei,
 Is schö' gelege', un' hübsch un' neu,
 Hab' e' Vermöge', deß manchi möcht',
 Aber juscht du, du wärscht mer, recht.

„„Wisse' Se, wi viel Ihr 's is?““

Mädl?! du bischt e' verzogeni Popp,
 Hoscht 'n eige'sinnige' Kopp,
 Wärscht mer wohl anners bei meiner Ehr',
 Dunner, wann ich dei' Vater wär'!

„„Do hätt' ich Ihne' recht lieb!““

So laaft se fort, Gotts Bliß, deß Gsicht!
 Ja, so e' Heurat, deß is e' Gschicht!

Vum Frühjohr.

Wie hab' ich se so gern die Zeit,
 Wann 's Frühjohr wiedder kummt,
 Wann Alles grünt in Herrlichkeit
 Un' Alles singt un' summt,
 Es blüh'n die Glöckcher uff 'm Feld,
 Die Primlcher drbei,
 Un' Blume bringt der ganze Welt
 Der luschtig schöne Mai.

Ich weß nit wo ich deß so lern',
 Denk ich an's Liebche' fei',
 Im Frühjohr hab' ich's doppelt gern,
 Als wie im Herbst de' Wei',
 Un' denk ich an die Hochzeit ach,
 So bild' ich mer's halt ei'
 Un' traam's im Schloß un' wann ich wach',
 Im Frühjohr muß se sehn'.

Nor eens is schad', un' 's gschicht halt nit. —
 Ich wollt' wann 's Frühjohr käm'
 Brächt's aach e' Stückche Jugend mit
 De' Mensche' wie de' Beem,

Uns aber wehrt's gar knickerich,
Was jedi Planz genießt,
Deß is des eenziche, was mich
Im Frühjohr als verdrießt.

•

'S Bilderbuch.

Mei' Schätzche' hot 'n Almanach
 Bun ihrer Mutter 'friedt,
 Do' guck' mer als minnaner 'nei',
 Daß jedes besser sicht.

Do is e' Haus, daß g'hört for uns,
 Desß richt' mer uns hübsch ei',
 Un' plaudre', wie mer halt do drinn
 Recht luschtig wolle' sey.

Do is e' Gaul, der is for mich,
 E' Rosestock for sie,
 E' Widlkind, daß g'hört uns aach,
 Desß heese' mer Marie.

Wohl sächt mer, zwee die sehe' mehr
 Als een's, daß kann schun sey',
 Doch allemol is 's nit e so,
 Desß fällt mer gar oft ei',

Dann 'grable' an de' Backe' mir
Die Löckcher vun dem Kind,
So werd mer wunnerlich un' is,
Als wär' ich halber blind.

Do seh' ich nix un' deut't se mer
Mi'm Finger freundlich d'rus,
So tapp' ich niemols noch 'm Bild,
Als uf den Finger 'nuf.

Un' hab' ich se hübsch bei der Hand,
Wie guckt se mich do a',
Desß is e' Bild, bei meiner Seel,
Do hängt mei' Lebe dra'.

Sogar der große Raphael,
So hätt' er kenn's gemolt
Un' hätt' er sich die Engl all'
Zum Himml runner g'holt.

Die zwee' Gelehrthuer.

„Ich weef' nit, warum sich die Leut so beflaache',
 Die Welt hätt' gar so viel' Uebbl zu traache',
 Un' e' Uebbl deß is doch e' Poschtulat,
 Dann wann mer sich nit uf de' Raum beschränkt
 Un' e' bische' an de' Zusamme'hang denkt,
 So sin jo die Daata ganz deutlich do?!
 „„Wie so?““

„Si daß sich die Wese' nit all' durchdringe',
 Deß muß doch 'n Gege'satz bedinge'
 Un' deß is jo wiedder e' Poschtulat,
 Dann wann jeh' fe' Plus un' fe' Minus mehr wär',
 Wo käme' dann Polaritäte' her,
 Un' wo dann noch 'was Absolutes, wo?“
 „„Ah so!““

Jugend - Erinnerung.

Was ware mir so scheene Mädchen,
Wie mir noch ware' hübsch' un' jung,
Die Jugend hot halt was vum Himml,
Sogar in der Erinnerung.

Erinnerst dich noch selle Hütcher
Vun Roth un' Grün mit geele Band,
Mit denne himmlblaue Franse',
Ach Gott, was ware' die scharmant!

Un' wie uns nocher die Franzose'
Die lange' Colliers mitgebracht,
Ich glaab' sie ware' vun Coralle',
Was ware' die so schee' gemacht.

Un weescht de noch beim Zuckerbäcker
Die Herze' mit dem rothe' Eis,
Do habe' mer gar oft eens gestohle',
Un' 's habe's als gethan die Mäuf'.

Un' weescht de noch die groß' Beleuchtung,
 Den Weltspektakl in der Stadt,
 Du hoscht getrage' e' Salöppche'
 Un' ich e' sammteni Cravat.

Un' weescht de noch mei' scheefich Hundl
 Un' unser marmorirti Rag,
 Die habe' als minnaner g'fresse'
 Un' sie war sei' erklärter Schag.

Ja ja die Jugend is halt herrlich
 Mit all'm Scheene' reich beschenkt,
 Un' is mer aach e' alti Schachtl,
 Sie freut emm, wann mer nor dra' denkt.

Der Zopp.

Wie er bei manche' Gelege'heite' abgschnitte' werd.

Der Zopp g'hört nit in unser' Zeit,
 Fort sag' ich mit 'm Zopp
 Un' 's helft ke' annri Correction
 Als wech drmit vum Kopp!
 So hot e' Radikaler gsacht
 Un' Alles stimmt 'm bei
 Un' ruft, so schneid' 'n wech de' Zopp
 Un' die Frisur sey frei! —
 Wer meent, deß wär' gar gschwind getha'
 Doch deß geht nit e' so,
 Dann schneidscht de' Zopp nit forz genug,
 So is er als noch do,
 Un' schneidscht 'n aach bei'm Stumpe ab,
 Wer steht emm' drvor gut,
 Daß nit im Locke'spiel deß Ding
 Sich widder flechte' thut?!
 Mit viel Studire' un' Gethu'
 Hot mer dra' 'rum gemacht

Un' endlich dann de' große' Bschluß
 & so erausgebracht:

Kund un' zu wisse', daß fe' Zopp

Die Freiheit mehr 'genirt,

So werd noch Vorschrift jeder Kopp

Bis uff die Haut rasirt.

— „Ja Sapperment, do sin jo aach

„Zum Deubl alle Hoar?!“

Deß thut nix, wann nor wech der Zopp,

Dann deß geht All'm vor.“

Die drei im Keller.

Nach einer Zeichnung von Schwind.

Im Keller wohnt e' Määdche',
 Desß is die Mammfell Spiß
 Die is fidel un' luschtich,
 Is voller Scherz un' Wiß.
 Im Keller wohnt drnebe'
 A Fraa, verrückt un' fest,
 Mer heeßt se Madame Brummer,
 Hot 's Maul am rechte' Fleck.
 Un' im Keller wohnt e' Alti,
 E' wischi Schachtel aach,
 Die mag ich gar nit-nenne',
 Sie sauft de' ganze' Tag.
 Un' klopscht de zum Vergnüge'
 Am Kellerthürche' a',
 So kummt dererscht desß Määdche',
 Die annre' hinnebra';
 Un' die desß Ding nit wisse',
 Die habe' se alle drei,

Do git's 'n Weltspetackl,
 Do is der Spaß vorbei,
 Doch die 'n Numml kenne',
 Die losse' 's Mädche' 'raus
 Un' wann die annre kumme'
 So sperrt mer 's Kellerhaus.
 Was mich betrifft, mei' Lebtag
 War ich de' Mädcher hold,
 Un' hätt' ich nor 'n Keller,
 'Wüßt', wie ich's mache' sollt'.

Der rheinische Hof.

Der rheinische Hof, ach daß is e' Plaz,
Do wüßt' ich zu sinne' mein' herzliebste Schaz,
Do sißt er un' trinkt oft luschdich drinn,
Un' ach er weeiß nit, wie gut ich 'm bin.

Un' ich, ich siß' bei der Mutter drheem
Un' guck in de' Hof uf die grüne Beem,
Un' denk' mer gar oft im Herze' schwer,
Ach wann daß der rheinische Hof doch wär'.

Sunscht hab' ich so gern do nunner geguckt
Un' 's hat mich fe' Seufzer geploocht un' gedruckt,
Es war so gemüthlich un' war so bequem;
So still un' so gut bei der Mutter drheem.

Un' jezt' als zieht 's mich enaus an de' Rhei',
Dann im rheinische Hof, do kehrt er jo ei',
Un' aber die Mutter die sächt: mei' Kind,
Am Rhein drauß' geht so e' gaschticher Wind.

Un' so muß ich mit ihr in die Kerche' geh',
 Do geht er nit hi', 's is freilich nit schö',
 Er hot halt am Rhein sei' Geschäft un' Gethu',
 Die Schiff', die dumme', die loßn 'm fe' Ruh'.

Un' so seh' ich 'n nit, hab' fe' Hoffnung drzu,
 Un' 's sacht's 'm fe' Mensch, wo ich bin, was ich thu'
 Un' wie ich 'n lieb hab', ach Gott 's is e' Noth,
 Ich wollt' ich wär gstorbe' un' lang schon todt.

Die Warnungstafel.

Ich bin spazire' gange'
 Durch Wiese'grü' un' Wald,
 Do steht e' Warnungstafel,
 Verwittert, grö' un' alt.
 Druf steht „Wer dr' will wandle',
 „Muß zum Inspekter geh'
 „Un' muß e' Kart' sich löse',
 „Gunscht derf ke' Mensch do geh'.“
 'S war aber nor e' Zufall,
 Daß ich die Tafel seh',
 Dann luschliche junge Bäämcher,
 Die wachse' dort in die Höh',
 Die sin' do ufgeschosse'
 An frische' Blätter reich
 Un' decke' zu die Tafel
 Mit ihre' grüne' Zweig'. —
 — So nachlt mancher Griesgram
 Sein' wichtiche' Zettl a',
 Was is's? die Jug'nd wachst d'rüber
 Un' 's denkt ke' Mensch mehr dra'.

Vum gute' Humor.

Was mehr is, als alles Gut un' Geld
 Un' reicher uns macht uf dere' Welt,
 Deß is e' guter Humor,
 In dem hoekt als noch die Jugend drinn,
 Wann aach im Gesicht schon Falte' sin',
 Un' wann aach schon scheidich die Hoor.
 E' guter Humor macht die Mädchen schö'
 Un' ziert se mehr als Edlste'e'
 Un' e' guter Humor macht die Bube' frisch,
 Daß se nit floge', wie die Fisch;
 Un' hot e' Weibche' kenn' gute' Humor,
 Un' wann se so schö, wie die Venus wär',
 Kenn' Grosche' geb' ich for die Schönheit her;
 Un' wann sich e' Mann die Brill so richt't,
 Daß er nix uf der Welt, als Dischtle sicht,
 Der gleicht demselle' mi'm lange Ohr,
 Deß heest, er hot vum e' Esel 'was
 Un' e' Esel zu sey', deß is ke' Spaß.
 Ob der Adam gehat hot 'n gute' Humor,
 Deß wisse' mer nit, doch kummt's mer so vor,

Sunscht hätt' er gewiß was Verdrießlichs gsacht,
 Wie 'm unser Herrgott die Ripp hot genumme'
 Un' hot drmit die Eva gemacht.
 Un' daß die Eva fe' laahmi war,
 Deß, denk' ich, is eme jede' klar,
 Sunscht hätt' se den Axl wohl hänge' losse'
 Un' hätt' fe' verboteni Frucht genosse',
 Dann nit umesunscht werd e' Spigbu' genannt,
 An dem mer 'n gute' Humor erkennt.
 Er hot also aach 'n hischtorische Grund,
 Hot 'was vum e' Stammbaam, der liebe Kund.
 E' guter Humor kann herrlich docire'
 Un' lernt emm e' prächtiches Philosophire',
 Un' wer es drmit hot so weit gebracht,
 Daß er über sich selber sich luschtich macht,
 Wann 'm juscht will wachse' e' narriger Zopp,
 Der hot mehr Philosophie im Kopp,
 Als mancher der uf 'm Katheeder steht
 Un' sich um sublime Syschteme' dreht.
 E' guter Humor is e' Medicament
 Un' könnt' mer 'n, wie 'n Syrop, verschreibe',
 Die Dokter thäte' viel mit vertreibe'
 Un' 's Wassercurire' hätt' bal' e' End.
 Un' e' guter Humor, der is wie der Wei',
 Er schließt gar luschtiche Sache' ei,
 Mer Gens, deß is e' bißche betrübt,
 Er macht wie der Wei' nit selte' verliebt,

Un' is mer verliebt, du lieber Gott,
 Do macht Wei' un' Humor un' Alles bankrott.
 Drum nor nit verliche', doch sag' ich's nit laut,
 Günscht könnt' ich's mit der Romantik verderbe
 Un' die schläg' mer mei' Ritterschloß in Scherbe',
 Dann deß is vun lauter Humor gebaut.

So sin' se.

Es lege' sich zwee schloose',
 E' Bauer is der ee',
 Der bet't, du lieber Himmel,
 Mach' morge' 's Wetter schee',
 Dann sunscht is all' mei' Hoffe'
 Un' all' mei' Luscht vorbei,
 Mei' Heu werd' morge' trucke',
 O schon' mer doch deß Heu! —
 Der anner war e' Müller,
 Steht schon drei Täg' sei' Mühl,
 Der bet't: Ach wann doch morge'
 A rechter Rege' fiel,
 Sunscht kann ich nimmer male',
 Hab' jo ke' Wasser mehr,
 O loß doch tüchtig regne',
 Es is der Bach so leer. —

Es gehe' zwee' zum Jage'
 Luscht uf cunträrm Weg',

E' jeder s'cht vum weit'm
 E' Wild in sein'm Geheg',
 E' jeder bet't verstohle':
 Nor des'mol gute' Wind,
 Wer wees', wann ich so herrlich
 'N Nehbock wieder find'. —
 Der Wind der soll halt blose'
 Noch links un aach noch rechts,
 'S soll regne' un soll schee' sey',
 A jeder anners möcht's.
 So sin se halt die Mensche
 Un jeder räsonnirt
 Un was dem eene' recht is,
 Den annere genirt.
 Un klage' unserm Herrgott
 A jeder sein' Verdruß,
 Es wär' jo gar ke' Wunner
 Käm' dem emol der Bschluß
 Un thät se all' verschlage'
 Tief in de' Bodd'm 'nei',
 Dann so a ewig's Jammre'
 Muß nit zum höre' sey'.
 Un des' is doch des mehrschte,
 Dann geht's 'm Schlingl gut,
 So hot er annre Gschäfte',
 Als daß er bete' thut.

Die Boutelle'.

Es habe' emol im e' trauliche' Kneippche'
 Die Weinbottle' viel Rühme's gemacht,
 Un' wie se die Welt so hoch begeistere',
 Un' was mer ihna schon Artigs g'sacht,

Un' wie se dann aach ihr Lob verdiene',
 Un' was eens sey' un' gelte' muß,
 Um oft e' lahmi Seel' zu erhebe',
 Un' was mer do braucht an Spiritus.

Sich! sächt so e' Ding, 's is noch fe' zwee Woche',
 So hab' ich e' Lieb im e' Herz angezündt
 Un' hab's in e' Luscht un' e' Glück ei'gewickelt,
 Der Jung' war vor lauter Verzucke' wie blind.

Un' ich, sächt e' anners, ich derf's wohl aach sage',
 Es war e' armer kränklicher Mann,
 Den hab' ich getröscht, ich glaab der Herr Barrer,
 Daß der so erquicklich kunn' tröschte' kann.

Un' ich hab' aus ganz gemeene' Soldate',
Weeß Gott, die gröschte' Helde' gemacht,
Die ware', wie die lebendige' Deubl,
'Hab' selber gemeent, ich bin in der Schlacht.

Un' ich hab' 'n Musikmeschter begeischtert,
Der hot euch gebeschilt e' Symphonie,
Mit Trummel un' Peise', gar luschtig zu höre',
Deß Alles macht unser Wei' un' Genie.

Do sächt ganz still zum e' ernsthafte Krug
'E' Römer: ei Dunner die proge' genug.
„Mei', geh' mer emech, die Windbeutel do,
Sächt der, deß Verdiencht is all' nit e so,
„E hot vun denne' Troppe' fe' eenzicher 'was',
„Die Gschicht is im Keller e' altes Faß,
„Deß steht halb vergesse', bescheide' un' still,
„Un' wann halt so e' Rammrad was will,
„So gebt's 'm halt was, un' weil's hübsch groß
„So zappt halt e' jeder tüchtich d'ruf los,
„Wann aber im Keller deß Faß nit wär',
„So wäre se All' gar erbärmlich leer.“

Sich! so prahle' viel' mi'me große Genie,
Mit hohe' Gedanke' un' Poesie,
Un' mache' do drüber e' langi Brüh',
Aber 's Faß im Keller nenne' se nie.

'S Lichtche'.

Es hot e' Licht in 're Latern
 Erschrecklich räsonnirt,
 „Is jo e' Lebe' do herinn
 „Als wie's e' Ofangner führt,
 „Do is e' Wand un' do e' Wand
 „Do werd mer dumm drbei,
 „Was ploocht mer mich, es brennt doch aach
 „E' Facfl frank un' frei',
 „Is Licht nit Licht? o falschi Welt,
 „Gel' 's bangt d'r vor mein'm Schei',
 „Deswege' Schranke' überall,
 „Deswege' sperrsch mich ei'."
 So sächts un' 's hörts e' guter Jung,
 Wie's juscht nit wenig git,
 Un' nemmt 'n Stoß un' schlacht halt do
 Die Glässer ei' drmit.
 Jeg' hot des Lichtche triumphirt,
 Daß hi' sei' Marterhaus,
 Do kummt e' Windstoß uffemol
 Un' bloost's beim Stumpe' aus. —

So Lichter gits erschrecklich viel
 Gar ei'gebild't un' flee'
 Un' könne', was mer for se forcht
 Sei' Lebtag nit versteh',
 Un' fin se, wie se wolle' sey',
 Mer meent was nocher brennt,
 Nee', 's bloost der Wind e' bische' drei'
 Un' 's hot der Spass e' End'.

Die Bedingung.

Mer sächt vum alte' Tilly,
Dem Kriegsmann, wer 'n fennt,
Er hätt' fe' Weib berührt
Un' nie kenn' Wein probirt
Bis an sei' seligs End'.

Un' d'rum so hätt' der Tilly
Gewunne' jedi Schlacht,
Schier eeni alle Tag',
Deß heeßt, wer's glaabe' mag
Un' dem 's fe' Koppweh macht.

Ich hab' emol eme Oberscht
Vum Tilly deß verzählt,
Un' daß mer 's probe' möcht'
Ob dann der Grundsatz recht,
Den er sich do' gewählt.

Der Oberscht sächt, 's is richtig,
 Der Satz is gut un wohr
 Un' sicher is der Sieg,
 Des heest in so 'me Krieg,
 Wie dort vun dreißig Johr.

Doch wann der Krieg is ferzer,
 Do is die Gschicht rischquirt,
 Do steht ke' Chronik gut,
 Daß des e' Werkung thut,
 Wann mer sich so sekirt;

Drum, abstrahirt vum Lilly,
 Der brav un' ritterlich,
 Mir lade' uns zum Wei'
 Gern hübsche Weiber ei', —
 Es hot aach 'was for sich!

Die drei große Herrn.

Es git e' Buch vun de' große Herrn,
Un' wenn ich mich recht b'sinn',
So steh'n leicht hunnert, groß un' flee,
Dort im Regischter drinn.

Ich aber wees drei große Herrn,
Die selbig's Buch nit nennt,
Un' die mer länger uf der Welt,
Als all' die annre kennt.

Der Himmel sich! is so e' Herr,
Was tragt der viele Stern,
Un' was for Stern, 's hot's fenner so
Vun annre große Herrn.

Do is fe' Pappedeckl dra',
Uf den der Glanz is g'sticht,
Do hot fe' krummi Näherinn
Dra' 'rumgemacht un' -g'sticht.

Un' zeigt er erscht deß große Band
In aller Farbe'pracht,
Do merkt mer's, der is vun Natur
Zum große Herrn gemacht.

Der zweete, den ich nenne' will,
Un' dem aach fenner gleich,
Deß is der Frühling, liebe Leut,
Wie vornehm un' wie reich!

Sei' Hofstaat is wie Morge'roth,
E' Paradies sei' Land,
Sei' Bage' sin die junge' Bääm
Mit Sträußcher in der Hand.

Deß allerschönste Wappe'feld,
Der schönste Schild g'hört sei',
Es blühe' alle Blume' drinn,
Un' 's is vun Sunne'schei'.

Un' Alles hot er, was sich schiekt
For edle große Herrn,
Er is jo Freund der Poesie
Un' hot die Dichter gern.

Der dritte, ei deß is der Wein,
Der war emol e' Gott,
Do is ke' Zweifel, daß er aach
Bun große Herrn 'was hot.

Denkt nor, wann der kommt zum e' Fescht,
 Wie macht er's froh un' schö',
 Do sunnt sich Alles in sein'm Glanz
 Un' will nit vun 'm geh'.

Un' den er freundlich hot gegrüßt
 Der denkt mit Freede' dra',
 Un' s'icht er 'n wiedder, guckt er 'n aach
 Gar ehrerbietig a'.

Ja ja, deß sin drei Cavalier',
 Die d'rum nit fleener wer'n,
 Un' zählt se aach desselbe Buch
 Mit zu de' große Herrn.

Martin Luther.

Der alte Martin Luther war
Doch gar se' übler Mann,
& Mann vun ächt'm Schrot un' Korn,
Wie mer een' sinne' kann.

Sei' Spruch vun Wein, Weib un' Gesang,
Den stoßt 'm fenner um
Un' wär' die Welt aach überg'scheit
Un' wär' se noch so dumm.

Dann deß is e' Trifolium,
Wo gar nix drüber geht,
Natürlich, wann se gut un' sei',
Wie er's halt aach versteht.

Un' denkt mer nor e' bische' noch,
So fällt's emm selber ei',
Wie lumpich ohne die die Welt
Un' lendelahn müßt' seh'.

Do gäb's fe' Lieb', fe' Boesie
 Un' was schier ärger wär',
 Kenn' Markebrunner, fenn' Bordeaux
 Un' fenn' Champagner mehr.

Do wär' e' wahri Wassernoth
 Weß Gott, for Leib un' Seel,
 Un' thät fe' Mensch mehr luschtich sen',
 Wār' Alles schepp un' scheel.

D'rüm het der alte Martin recht,
 Sei' Spruch is schö' un' klar,
 Un' 's is nor schad', daß halt der Mann
 Erschrecklich luthrisch war.

'S Mäddche' un' der Dämon.

Ihr meent, es gäb' se' Dämone',
 Dernoher gäb's aach nit die Gschicht',
 Die ich euch verzähl' vum e' Mäddche'
 Un' vun so 'me Deublsgefiicht.
 Es geht e' Mäddche' spaziere'
 Un' plückt sich Blume' im Korn,
 Un' macht sich 'n Strauß uf ihr Hütche'
 Vun Glöckcher un' Rittersporn.
 Do kummt e' Dämon geschliche',
 Gar still wie e' Tigerkatz,
 Un' wie er ganz nah bei dem Mäddche',
 Hipp! rumplt er d'ruf im e' Sack,
 Un' packt se' mit seine Tase'
 Un' fliegt mit ihr hoch in die Luft,
 Ach hätt' er se falle' losse',
 So wär se zu Pulver verpufft.
 Un' tragt se in schreckliche' Felse'
 Bis zu sein'm dämonische Haus,
 Sie is ganz thormlich gewese',
 Jez endlich löst er se aus.

Un' denkt euch, er blinzt gar zärtlich
 Un' bitt't um e' Liebesgunst,
 Die Gränk! so e' Unthier zu liebe',
 Deß wär' wahrhaftich e' Kunst.
 Gottlob, die Mädchen verliere'
 De' Kopp nit so gschwind, als mehr sächt,
 Deß Mädchen' stellt sich nit pumpsich
 Un' thut, als wär' er ihr recht.
 „Gern will ich Euch sen', so versprecht se,
 Verbunne' mit Leib und Seel',
 Doch müßt Ihr mir hübsch vollziehe'
 Drei Sache', die ich Euch befehl'.“
 Do zahlt der Dämon vor Jubl,
 „Un' wann ich's nit thu' mei' Schaz,
 So will ich e' Felseblock werre',
 So wahr ich bin, uf dem Plaz.“
 Un' 's Mädchen' verlangt als deß Erschte,
 Ich will, sächt deß niedliche Kind,
 Ihr sollt mer 'n Liebhaber zeige',
 Den higichschte, den mer nor find'. —
 Doch lacht der Dämon un' schmunzelt
 Un' deut't mit de' Zage' uf sich,
 „Wahrhaftich bei Schwewl un' Phosphor,
 Der higichschte, deß bin ich!“
 „Gut, sächt se, jess' zeigt mir 'n annre,
 Der aber noch higicher ist, —
 Do wechselt der Dämon die Farbe'

Un' 's gebt 'm 'n höllische' Miß;
 Deß hot er natürlich nit könne',
 Was war der Kerl so dumm,
 Un' is e' Felsebloß worre'
 Uf ewig versteenert un' stumm.
 Un' 's Mäddche' is weiter geloffe'
 Un' hot sein'm Schicksal gedankt,
 Do hot uf eemol die Gegend
 Mit Erd' un' Himml gewankt;
 Geh' Acht, der Felsebloß kollert
 Un' rumpft als hinner ihr drei'
 Un' schlächt mit Dunner un' Krache'
 De' felsige' Boddm ei'.
 Gottlob, er is aber vor Aerger
 Ganz blind d'rnebe' getrollt
 Un' endlich uf ewige' Zeite'
 Bis tief in die Höll' 'nei' gerollt. --
 Jez' sacht, es gäb' fe' Dämone',
 Deß kummt mer lächerlich vor,
 Dann wehr is die Gschicht' mit dem Mäddche',
 Un' gäb's fe', — so wär' se nit wehr.

Die Weiber.

Die Weiber bleibe Rinner
 Bis an ihr letschtes End',
 Deß kann mer gar nit läugne',
 Wann mer die Weiber fennt.

Als fleene junge Dinger,
 Do spiele' se mit der Popp,
 Die vornehm 'rauszupuge',
 Deß habe' se glei' im Kopp.

Als große hübsche Mädchen,
 Wie mache' se 's dann do?
 Do sin' se selber Popp'e'
 Un' mache's grad e' so.

Un' frieche' se als Madame'
 E' Kleenes, o wie schö',
 Do habe' se gar e' Püppche',
 Deß plappert un' kann geh'!

Deß macht erscht e' Vergnüch'e',
 Es is jo nit vun Holz
 Un' thut, hübsch angezeche',
 Als wie e' Altes stolz.

So geht's vun eem zum annre'
 Bis zu der Großmamma
 Un' wann mer 's recht betrachte',
 So is 'was Gutes dra',

Dann sich! weil des Reich Gottes,
 Wie 's heeßt, de' Kinner is,
 So kumme' se all' in Himml
 Die Weiber, ganz gewiß!

Der Domdechant vun Hochheim.

Der Domdechant vun Hochheim,
 Deß is e' lieber Herr,
 Es git viel Dechant uff der Welt,
 So git's kenn' Dechant mehr.

Als Freund vun gute' Christe'
 Hot er bei Meenz sei' Haus,
 Sucht in de' Main un' in de' Rhein
 Fideel zum Fenschter 'naus.

Er is e' golde' Männche',
 Spetakt juscht nit viel,
 Hot aber Geischt und Spiritus,
 Wie mer's nor habe' will.

Un' wie er ach so gütig
 Un' so voll Gnade' is,
 Wann eener böse Skrupl hot,
 Er helpt 'm ganz gewiß.

Er kann so freundlich sage'
 E' tröstlich mildes Wort
 Un' quält emm Sorg' un' Kummer aach,
 Er bringt se sicher fort.

Frocht 'rum in deutsche Länder,
 Wo mer sein' Name' kennt,
 Ob jeder nit verehrungsvoll
 Den brave' Dechant nennt.

Er macht aach große Reese',
 B'sucht alle große Herrn
 Un' überall, ich weess's gewiß,
 Ja überall hot mer'n gern.

Ei lieber Herr vun Hochheim,
 Kommt aach emol zu mir,
 Un' bleibt e' Weil', ich geb Euch gern
 Mei' allerbescht' Quartier.

Wann's Krieg git.

Wann's Krieg git un' wann die Franzose' kumme',
 So wollt' ich, die Aepf' des wäre' all' Bummel'
 Un' daß an de' Traube' e' jedi Beer
 G' feschti bleierni Kuchl wär'
 Un' alle Beem des wäre' Kanone'
 Un' Pulver die Erd un' die Stee' Patrone'
 Un' jeder Mann sollt' e' Feschung sey'
 Verproviantirt mit gut'm Wei'
 Un' uffgestellt wie mer's nor stelle' kann
 Von Basl bis Wesl als Mann an Mann,
 Un' mit ihne' zum Schutz sollt' noch obe'drei'
 G' g'flüchtler Drach der Drachefels sey',
 Der die Mund' thät mache' bei Tag un' Nacht
 Un' hoch in de' Wolke' thät halte' die Wacht
 Un' erhebe' sollte' sich weit im Land
 Die alte' Vulkan' im gröschte Brand
 Un' daß die Basalt' als schwarze Rakete'
 All' feindlich' Volk versprengte' thäte',
 Dann der Rhei', der liebe herrliche Rhei',
 Deutsch soll er sey'! solls ewig sey'!

Vum Wei'.

Ich weef nit, wie er's macht der Wei',
 Er hot a' b'sunnri Kunscht,
 Viel Liedcher un' viel Mädcher sei',
 Die wohne' in sein'm Dunscht.

Un' 's is wahrhaftich grad als wär'
 E' Zaubrerei drbei,
 Dann Liedcher als un' Mädcher sin'
 Drinn funklnachneue.

Drum werd beim Wei' e' Alter aach
 Als wie e' junger Bu'
 Un' singt un' denkt e' rosig Kind
 Als Schätzche sich drzu.

Drum werd er luschlich, weef nit wie
 Un' kümmert sich nix d'rum
 Un' wann aach for die Schwärmerei
 Die Zeite' lang schun 'rum.

Un' ebe' drum, so lobt 'n aach,
 Wer je e' Dichter' war,
 Dann ohne Wein, du lieber Gott,
 Wär's oft mi'm Dichte' gar.

O guter Wei', o braver Wei',
 O hör' um was ich bitt',
 Mit deiner liebe' Hererei
 Verloß nor du mich nit.

Un' daß ich, Freund, dich nit verloß,
 Do kannsch' de ruhich sey',
 Ich bin un' bleib mei' Lebelang
 Von ganz'm Herze' dei'.

Der Vater an de' reesfluschtige' Sohn.

Lieber Sohn, geh bleib' d'rheem,
'Hoscht's do gut un' hoscht's bequeem,
Hütscht dei' Schof, dei' brauni Kuh;
Lebscht vergnügt un' lebscht in Ruh.

Sich! ich war aach in der Welt,
Ach sie zappe' emm deß Geld
Aus 'm Sack, deß hot e' Art, —
Un' du Jung' hoscht noch kenn' Bart!

In der Kriegszeit mußt' ich mit,
Ich vergeß's mei' Lebtag nit,
Weit bis nunner an die Etsch,
Sellemol war do 's Gepletzsch.

Dunnerwetter noch emol
Blost e' Wind in dem Throl,
Un' was sin' die Leut' so grob,
Daß emm thormlich werd im Kopp.

Ja die Mädchen, deß is wohr,
Die sin' dort im schönschte Flor,
Doch die Vorsch' bei meiner Seel'
Schlage' emm glei' grün un' geel.

Kummscht de noch Italie' 'nei,
Werd's dr nit viel besser sen',
Kumme' mer die Leut' do vor
Grad so falsch, wie Semelor.

Willst de vielleicht in die Schweiz,
Do hoscht erscht deß rechte Kreuz,
Penning sin' dei' Bage' dort,
Deß is a verfluchter Ort.

Die Franzose', die sin' fei',
Luschtig, habe' gute Wein,
Aber do verstehst se' Sproch
Un' deß geht' emm alsfort nōch.

Drum des Reese' in der Welt
Macht viel Sorge', koscht viel Geld,
Reescht' un' reescht de halt so zu,
Werscht am End e' Bettlbu'.

Alles is, wie mer's gewöhnt,
Was ich sag', is gut gemeent,
Hüt' du lieber Schof un' Gāns'
Un' bleib hübsch in Permasens.

Der Orange'baam.

'S is um 'n scheene' Orangebaam
 Werklich ehbes scheen's,
 'S is e' wahres Familliebild,
 Lusttiger als nor eens.

Unne' der Stamm, deß is der Papa,
 Der tragt 's ganze Haus,
 Obe' da sitzt in der Kron die Mamma,
 Guckt gar ehrbar raus.

Dunkl grün, mit Blätter geblumt
 Is ihr Staatsrockelox,
 Ueberall dra', wie Lilie' so weiß,
 Schluppe' die Kinner 'ervor.

Un' die Kinner die wachse' gar hübsch,
 Deß git fastige Söhn',
 Goldiche Mädcher, die diene' im Haus,
 Do werd fenni gemeen.

Ja, so is e' Orangebaam
 Wie e' guti Famill',
 Blüht un' wachst als friedlich fort
 Un' lebt ruhig un' still.

Un so sin gute Famillie' aach
 Wie die Orangebeem,
 Sin gar selte', nit überall
 Findscht se bei uns derheem.

Der Dichter.

Es hockt e' hungriger Dichter am Tisch
 Un' zahlt wie in der Noth e' Fisch,
 Er muß jo dichte', es muß hält seyn
 Un' dem arme' Deubl fällt nix ein.
 Der Graf is' gstorbe', e' reicher Mann,
 Der emm im Tod noch helfe' fann,
 Bun dem soll er dichte', es is' fe' Spaß,
 Wann's recht werd, tragt's 'm vielleicht 'was.
 Der Herr war brav un' lieb un' gut,
 Der Dichter reimt d'ruff Gut un' Blut
 Un' Muth un' ruht un' Todeswuth
 Un' wie deß Unglück so weh 'm thut.
 Un' wie er lang' do dra' gemacht
 Un' mühevoll Alles zammegebracht,
 Do hot er heemlich still gelacht,
 Dann sei' Gedicht, es war e' Pracht!
 Un' drüber kummt e' alti Bas',
 Steckt 'rei' zu der Thür' e' langi Nas',
 Un' sächt: Gute' Morge', Herr Hospoet,
 Weeß Er dann, wie's mit 'm Grafe' steht?

„Ei der is todt“! „„Ach Gott bewahr',
 Er is lebendich un' aus der G'fahr.““
 „Was se do' sächt, nee 's kann nit sey“!
 „„Ei ja gewiß, e' Gläsche' Wei'
 Hot 'm der Dokter ordenirt
 Un' deß hot 'n gar gschwind corirt.““
 „Daß dich die Gränk, was Alles doch gschicht,
 Do is der 'werth, daß eener noch dicht't,
 Daß mer sich ploocht als wie e' Hund,
 Un' so e' Todter der werd wiedder g'sund.
 Ei die schwer' Noth, mei' schön's Gedicht,
 'S war so herrlich Alles gericht't
 Un' wär' doch wahrhaftich in eem hingange'
 Un' jeh' kann ich vun vorne anfangen'.
 Mir schenkt ke' Mensch e' Gläsche' ei',
 Hol der Deubl dem Dokter sein Wei'!

So sin' die Mensche' un' hunnert G'sichter
 Ein kee Hoor besser als seller Dichter.

's Ultimatum.

Die Zeit hot amöl e' Sigung g'halte',
Und hot die Zufunft arrangirt,
Do waare dann drei Sachverständige
Drzu gehorsamst invitirt.

'S war e' Prälat, e' Held, e' Kaufmann,
Natürlich Männer vun Verstand,
Die s'n' dann pünktlich zammakumma,
Die Zeit war artig un' scharmant,

Un' hot d' ererscht 'n Vortrag g'halte',
Mei' Meenung sächt se, deß wär' die,
Die Menschheit muß Moral studire',
Dann wachst se wild, g'eroth't se nie.

Drum soll, was geistlich is, regire'
Die erschte nächschte hunnert Johr,
So kann se sich e' bische bilde',
Der Herr Prälat steht gut drfor.

Doch daß se nit die Derfa (Türken) fressa',
Dann do helfst doch se' Lehr un' Noth,
So muß se sich aach wehre' könne',
Wann's juchst gebiete' thät die Noth.

Drum meen' ich, daß im zweete Hunnert
E' tüchtiger Soldat regiert,
Do kann se manövrir' lerne'
Un' wie mer schießt un' exercirt.

Im dritte Hunnert soll se treibe',
Verkehr un' Handl brüderlich
Un' soll 'n Zollverein errichte',
So denk' ich mer so macht se sich.

Deß war der Vorschlag, no' natürlich
Hot mer gebablt hi' un' her,
Doch sin' se endlich enig worre',
Daß so e' Gang passabl wär'.

Jez' aber muß mer noch berichte'
'M Schicksal vun der ganze Gschicht',
Dann deß war for die Zeit un' Alles
Vun je deß überschte Gericht.

Un' 's Schicksal sächt: Ihr macht Planete',
Do werd emm übl schier drbei,
Was wär' dann ohne hübsche Weiber
Die ganz' studirt Regiererei.

Do möcht' ich den Spetafl sehe',
 Do ging jo Alles überzwerch
 Un' gäb' Revolte' un' Gravalle',
 Es stünde emm die Hoor zu Berg.

Die Weiber müße mitregiere',
 Eunscht is die Politik verlegt,
 Un' will die Zeit sich opponire',
 So sag' ich, werd se abgesetzt.

Jeg' Punktum. Deß war 's Ultimatum
 Un' folge' müsse' hot die Zeit,
 Un' so regiern halt mit die Weiber
 Un' wern 's aach thu' in Ewigkeit.

Der Weiberbarometer.

Ich hab' emol e' Fraa geseent,
Die hot so scheene Waade' ghat,
Bei der war 's Wetter alsfort schlecht
Un' übrall dreckich war die Stadt.

Ich hab' e' anneri geseent,
Die hot 'n scheene' Bucl' ghat,
Bei der war 's Wetter alsfort schee'
Un' als der Himml spieglglatt.

E' dritti hab' ich aach geseent,
Die hot gehat 'n scheene' Arm,
Der war e' jeder Arm'l, denk,
Sogar im Winter viel zu warm.

Un' wiedder eeni fällt mer ei'
Do war nix als ihr Mantl schee',
Die hot als gsacht, es wär' so kalt
Un' wollt' nit ohne Mantl geh'.

Ich hab' emol die viere g'froocht,
 Wie's justement um's Wetter wär':
 „Ei hübsch, ei wüsch, ei warm, ei kalt“ —
 Befehl' mich Ihne', dank' recht sehr,

Sacht lieber Waade', Buckl, Arm
 Un' Mantl, nocher wees mer doch,
 Was euch e' Barometer is
 Un' hingehet for e' Wetterloch.

Die Poesie.

Der Ge'.

Mer heest die Dichter Musesehn',
 Un' sächt, die Muse' jün
 Mit großm Glanz un' Herrlichkeit
 Im tieffschte Himml drinn.

Desß glaab' ich nit, dann wer so reich
 Dort wohnt im Himmlshaus,
 Der schickt kenn' Sohn so uf die Erd',
 Arm, wie e' Kerchenaus.

Un' wo is dann e' Muse'sohn,
 Dem's gar so prächtich geht,
 Der wär', als wie e' weißi Schnepp,
 E' wahri Rarität.

Vor Zeite' ja, do leest mer wohl,
 Do war's e' annri Gschicht',
 Do war's, wie blank gemünztes Gold,
 Hot eener schö' gedicht't,

Do hot sich so e' Mutter noch
Bekümmert um ihr Kind,
Jez' aber sieht die Abkunft aus,
Als wär' se lauter Wind.

D'rum wann die Gschicht' nit gar e' Lüg',
So kann nor Genß noch sey',
Die Muse' habe' selber nix
Un' 's geht die Werthschaft ei'.

Der Anner'.

Was deß for e' Gehabl is!
Die Poesie is so:
Wann eener Wei' trinkt schoppeweis,
Un' 's is gar fenner do!

Un' wann er vum e' Tannebusch
Im Winter Beilcher plückt,
Un' wie wann's Asmannshäuser wär',
Sich am e' Bach entzückt.

Deß is der Vorzug, lieber Freund,
Wann eener e' Poet,
Daß er im schönschte' Wage' fahrt,
Wann er spazire' geht.

Un' daß er reit't de' Pegasus
 Un' doch vum Stuhl nit summt,
 Un' daß er Eng'l sänge' hört,
 Wann nor e' Kässer summt.

Un' daß er Muschtre' fangt un' Fisch
 Im ärmste Dinte'faß,
 Un' daß Kartoffl uf sein'm Tisch
 For ihn sin Ananas.

Un' so sin aach die Bers sei' Geld,
 Do zahlt er gern drmit,
 Un' der's nit gelte' losse' will,
 Sich! der versteht's halt nit!

Die Wein' un' der Bachus.

Die Wein' sin emol zum Bachus kumme'.
Un' habe' 'n um e' Entscheidung gebitt't,
Er soll ihne' saache' uff Wort un' Ehr',
Weller vun ihne' der vornehmschte wär'.

Der Bachus hot gsacht, ihr liebe Kinner,
Den Gfalle' den will ich euch wohl thu',
Es schick' nor e' jeder e' fleen's Deputat,
Nocher halt' ich e' Prüfung im große' Rath.

Deß ware' die Wein' natürlich zufriede'
Un' Gsaudte sin' kumme' vun aller Welt
Un' 's hot nor gewimmelt vun Glanz un' vun Pracht,
Dann der fleenschte der hot sein' Staat gemacht.

Un' 'm Bachus sei' Ceremoniemeeschter
Der hot ihne' gsacht, wann die Prüfung is,
Geht jeder, so wie 'm gewunke' werd sey'
Beim König ganz still in die Gorgl'enei'.

Un' richtig! so wie der Tag is gewese',
 So hot der Bachus der Reih' noch gewinkt,
 Deß erschte, deß ware' die Herrn vum Rhei',
 Die sin' dann stolziert wie die Ferschte' 'enei'.

Dernocher sin' glei' die Burgunder 'kumme'
 Un' die Bordeaux mit ihr'm rothe' Talar, —
 Do habe' die Griechen' schon Gesicht' gemacht
 Un' habe' die Fremde gar scheel betracht't,

Un e' alter Muskat vum der Insl Samos
 Der hot gesacht zum e' Malvasir,
 Geb' Acht die Franzose' mit ihr'm Geschwäg
 Die friechen' heilig die erschte' Plätz'.

Un' der Bachus der hot 'm Champagner gewunke',
 Der war wie e' rechter Stutzer gepuht,
 Besezt mit Topase' die Knöpp am Frack
 Un' e' Perle'schnur an sein'm Chapeau claque.

Er is mehr getanzt als daß er is 'gange'
 Un' hot noch gesumst so e' Stück vum e' Lied,
 Do habe' die annere' gemormlt: wie grob!,
 Der hot aach de Großmogl in sein'm Kopp.

Jez' hot der Bachus gerufe': Lokaher!
 Do is der natürlich gar wichtich 'enei',
 E' kleiner Mann, ganz kuprich un' roth,
 Zwee Husare' hinner 'm noch ungrischer Mod'.

D'ruf hot der Bachus nimmer gewunke,
Es war e' langi peinlich'i Paus',
Un' er hot sich als bsunne' un' hot sinnirt
Un' wie e' rechter Gelehrter studirt.

Un' wie's halt geht mit dem dumme' 'Studire',
So kummt 'm der Schloß un' er duslt ei',
Jez' stellt euch die Angscht un' die Ungeduld vor
Bun dem übrige' diplomatische' Corps. —

„Do gilt es e' Lisch't“ säch't e' Piesporter Junker
Un' rumplt 'm König durch's offene Maul!
Deß war e' Signal un' Alles will 'nei'
Un' fenner der letschte vergessene sey'.

O Mord un' Spetakl, was war deß e' Drucke',
Die Grieche', wie Feuer vor Aerger un' Zorn
Un' die Franke', die aach nit vun Huzle' gemacht,
Die habe' sich grose Sottise' gesacht.

Re' Rücksicht, fe' Schonung war do mehr zu sinne',
Die Spanier allee' ware' noch im e' Taft
Un' habe' die Lacrimae Christi gebitt',
„Si gehen Se vor, mir kumme'-schun mit.“ —

Un' der Bachus der hot als gschloße' un' gschloße'
Un' die Herold die habe' gewart't un' gewart't,
Um laut zu verkündige' überall,
Wie dann gefalle' 'm König sei' Wahl.

Jetz' endlich erwacht er, un' wie er's soll sage',
 Derwell' dann der erschte vun all' denne' Wein',
 So denkt der in Lieb', un' des' war wohl aach gscheut,
 „Was soll ich een fränke', sin All' liebe Leut',

„Un' soll ich's dann wege' 'me Wörtche' risquire',
 „Daß mancher werd sauer un' fahrig vor Gram?“
 Nee, denkt sich der König, un' hot halt nix gsacht,
 Als daß 'm die Prüfung Vergnüge' gemacht.

Un' weil er halt gar nix jünstcht sage' hot wolle'
 Der gute un' liebe un' freundliche Mann,
 Un' so wees mer noch bis uff die Stund' nit gewiß,
 Derwell' vun de' Wein' der vornehmste is.

Der Student.

Ich zum Minischter kumme'? was der will?
 Deß weess der Himml, deß begreif' ich nit,
 Ich e' Student, wie's hunnert annre git
 Un' zum Minischter? — Halt! mir fällt 'was ei',
 Wahrhaftich ja, deß könnt' die Ursach sey',
 Der Baron Stern hat mei' Gedicht geles',
 Die Od' uf die Regente'pflicht,
 Er kummt gar oft zu dem Minischter,
 Hot wohl 'was gsacht vun dem Gedicht;
 Er werd mer's doch nit übl nemme',
 'S is jo gar nix Politischs drinn,
 Is' Alles edl un' bescheide'
 Un' hot doch aach Verstand un' Sinn;
 Deß eenziche, deß könnt' er froche',
 Was geht dich e' Regentschaft an,
 Was saach ich nocher?, mer's schun sehe',
 Ich saach, es wär' nix übls dran
 Hätt' ich gemeent, thät jo befränze'
 Die Kron' mit Lorbeer un' so fort,
 'S git doch poetische Lizenze',
 Wer kann dann wiege' jedes Wort.

A was! 's kann aach was anners sen',
 Die junge Herrn spaziere' führe',
 Sectione' gebe', Repetire'
 Mit seine Rinner, 's wär' e' Ehr',
 Do meiner Seel', deß wär' nit luschlich,
 Wann er nor ke' Minischter wär'!
 Do derst ich jo ke' Stund' versaame'
 Um gar ke' Geld, deß wär' e' Ploch,
 Un' wann die Bube' nix begriffe',
 Kam' noch e' Dunnerwetter noch. —
 Wer wees, 's könnt' aber aach passire',
 Er braucht un' sucht vielleicht so een',
 Der fescht is, Hoor hot uf de' Bähn'
 Un' der e' wichtichs Staatspapier
 Fortbringe' muß als Hofseurier.
 Deß wär' nit übl, mit der Poscht
 So luschlich fahre', wann's nix koscht;
 Vielleicht ging's weit, so Tag un' Nacht,
 Durch Dick und Dünn, e' rechte Jagd,
 Vielleicht wär's gefährlich, — no warum,
 Do schnell' ich halt 'n Sabl um
 Un' zwee Pistole' in der Hand,
 So fahr' ich in's Schlaraffenland!
 Deß könnt' wohl gar 'n Ord'n trage',
 A goldni Duf, wer wees noch mehr,
 Ei Sapperment, deß ließ sich höre',
 Wann's nor so was Appartes wär'!" — —

„Jez war ich richtig beim Minischter,“
 „No' saach, was hot er dr dann gsacht?“
 „Ach Gott, ich soll mein'm Vater schreibe',
 Er will e' Stück vun seiner Jagd,
 So an der Gränz' zwee fleene Böge',
 Die wär'n 'm juscht bequeem gelege',
 Desß war mei' ganzi Avantür,
 Ja wohl Gedicht un Hofcourier,
 O Phantasie, o Nebldunscht,
 Mer denkt doch recht viel umesunscht!

Der Schrecke'.

Es waart't e' Mäbche' am Neckerstrand,
 Es soll dort steige' ihr Liebschter an's Land,
 E' Schiff vun Gundsheim bringt 'n mit,
 Un' aber des Schiff, des kummt halt nit.

Do frocht se de' Necker, o sag' mer doch,
 Kummt heut' des Schiff vun Gundsheim noch,
 O sag', du hoscht 'm doch nix getha',
 Du hoscht doch wohl kenn' Aerger dra'.

O lieber Necker, ich bitt' dich schö',
 Des Schiff nor loß mer glücklich geh',
 Do is mei' Lieb', mei' Alles drinn,
 Du sichtscht jo, wie ich in Aengschte bin.

Der Necker, der brummlt, se' Mensch weesß was,
 Un' macht e' Gesicht gar trüb un' naß,
 Un' 's Mäbche' als guckt, un' ringt die Händ',
 „Mei' Gott wann der Necker nor rede' könnt'.“

Un' wie se deß seufzt in ihr'm Weh,
 Do taucht aus 'm Necker 'was in die Höh',
 E' großer Stee' un' druf e' Schrift,
 Do war deß Mädsche' ganz verblüfft,

Un' kummt in 'n Schrecke', du lieber Gott,
 Daß se an alle' Gliedder gezittert hot,
 Un' hot sich nit zu lese' getraut,
 Un' hot mit Thräne' zum Himml g'schaut.

„Was is dann dem Kind,“ hot e' Schiffer g'sacht,
 Der zufällig aach de' Necker betracht't,
 „Was hot se dann, sächt er, was flennt se dann so?“
 Un' sie jammert: ach les' Er die Buchstabe' do.

„Was is do zu lese', deß is bekannt,
 „Es heest:

Wann ich seh' Himml un' Land,
 So is der gute Necker so fle'e',
 Daß d'ruf gewiß ke' Schiff kann geh'.

Un' wie se deß hört, springts flink un' fluggs
 Un' gebt ihr e' Küssche' hinnerrucks,
 Der Schatz war kumme' mit Extraposcht,
 Do hot's ke' Thräne' mehr gekoscht.

Der Stee' der Weiße'.

'S hot Gener 'n Stee' der Weiße' gsucht
 Un hot 'n halt nit g'funne,
 E' alti Her, die hot 'm gsacht,
 Der Stee' läg' im e' Brunne.
 Drum hot er aus alle Brunne' schier
 Viel Steener mitgenumme
 Un is doch nor trotz aller Müß'
 Zu nix als Kiesel 'kumme.
 Jetz' fehrt er emol im e' Werthshaus ei,
 Do sicht er en' Dicke' siße',
 Der Mann, deß war e' Juwelier,
 Thut wie e' Carfunkl bliße'.
 „Si saache' Se doch, Herr Juwelier,
 Wie is es mi'm Stee' der Weiße',
 Ich such' mei' halbes Lebe' lang,
 'S möcht' die Geduld verreiße',
 Mer hot mer als gewiß verzählt,
 Der Stee' läg' im e' Brunne,
 Wo Deubl mag der Brunne sey',
 Ich hab 'n noch nit g'funne.“

Der Juwelier, e' braver Mann,
 Der nemmt sein' volle' Humpfe',
 Desß is der Brunne, sächt er, Freund,
 Do muß Er fleißig pumpe,
 Dann selln Stee, mer sicht 'n nit,
 Mer kann 'n nor empfinne',
 Wer luschlich is, der hot den Stee',
 Drum loß Er 's wacker rinne'. —
 Do setzt halt unser Sucher an
 Un' fleißig rinnt der Brunne,
 Un' üb'r e' Weil, do hot er dann
 Den Stee' aach richtig gfunne.

Der ernsthafteste Mann.

Ich hab' emol 'n Mann gekent,
Der hot gar nie gelacht,
Hot wie die Raß, wanns dunnet, als
E' grämlich' Gesicht gemacht.

Ich hab' gefrocht, wer is dann der,
Do hot mer eener gsacht,
Er hätt' mit 're Papierfabrik
Emol sei' Glück gemacht,

Un' seitdem thät er nix mehr thu';
Als lese' wie verrückt,
Un' Alles lese', was mer hätt'
Uf sei' Papier gedruckt.

Der Mann der war mer intressant,
Hab' sei' Bekanntschaft gemacht,
Un' die vun seiner Biblethek,
Die 'n um's Lache' gebracht;

Do war des merscht' Philosophie,
 E' Theel war Kerche'streit,
 No' denk' ich, deß begreif' ich wohl,
 Do lache' wenig' Leut,

Doch Gens des hätt' ich nit gemeent,
 Ja Gens deß war mer neu,
 Es war aach ganz e' hübsch Paket
 Moderne Luschtspiel derbei.

'S Blümche'.

'Bin gsesse' im e' grüne Feld
 Un' hab e' Blum' betracht't,
 Die het der liebe Gott gar schö'
 Un' farbereich gemacht.

O Blümche' hab' ich mer gedenkt,
 O wie beneid' ich dich,
 Du blühscht so hübsch un' ruhig do,
 Wie anners find' ich mich.

Dir will mer nix, dich quält mer nit,
 Du guckscht de' Himml a'
 Un' zählscht in deinem stille' Glück
 Die Silberwölkcher dra'.

Un' wie ich deß so denk', so kummt
 E' Papilion drher,
 Der thut, als wann deß zarte Ding
 For ihn gewachse' wär'.

Er schnuflt dra' un' grablt dra'
 Völl Hunger un' voll Bier
 Un' wühlt die Blättcher schier caput
 Deß übermüth'ge Thier.

Un' wie er wech' is, kummt e' Bien'
 Mit wischte geele Füß',
 Die hockt mit Summse' d'ruf un' freßt
 Un' freßt de' Honig süß.

Un' nocher kummt e' Käffer her,
 Der war so schwer un' dumm
 Un' druckt un' biegt deß Blümche' do
 Bis uf de' Boddm um.

Un' drüber fangt's zu dunnre' a'
 Un' endlich haglt's gar
 Uf mich un' Blum un' Büsch un' Beem,
 Daß's zum d' erbarne' war.

Die Gränk', so kann dann gar nix sey'
 In Rnh' un' ohne Blooch,
 Warum jeh' deß nit anners is,
 'Denk' lang schun drüber nöch.

Die sublime' Geischter.

Die als so thun, als wann for sie
 Die Welt zu elend wär',
 Als wann halt gar nix gut genug
 For ihres Geischts Begehr,
 Diefelle Mensche' mag' ich nit,
 'S is aach gewiß nix d'ra',
 Ich seh' se for a bsunnri Art
 Vun Mißgeborte' a'.
 Wann unser Herrgott hätt' gewollt,
 Daß nix als Himml wär',
 So hätt' er wohl ke' Erd' gemacht,
 Kenn' Mensch' geplanz't doher,
 Un' daß durch e' Bersehe', wesch't,
 G' Engl uf die Erd
 So mir nix dir nix kumme' kunnt',
 Deß is mer zu gelehrt.
 'S geht aber doch so mancher 'rum
 Un' bild't sich so 'was ei'
 Un' meent, er wär' der Welt zu gut,
 Er g'höret nit recht 'rei'. —

Der Mensch, verstehst, is so un' so,
 Vum Himmel is 'was drinn,
 Drum hot er jo for Großes aach
 Un' for 'was Schön's 'n Sinn,
 Ja sich! ich glaab er guckt sogar
 Oft in de' Himmel 'nei',
 Doch daß er drum e' Engl wär',
 Des fall' 'm jo nit ei',
 Eunscht gehts 'm, wie eem, der emol
 Beim König 'geffe' hot
 Un' meent, jek' wär er aach e' Prinz,
 Der macht gewiß Bankrott.

Nein, Nee, Na.

Liebchen höre meine Bitte,
 Deffne mir dein Fensterlein,
 Schirmt die Nacht die stille Liebe,
 Steig' ich leis' zu dir hinein.

„Nein, nein!“

Mädche' loß dei' Zimmer offe',
 O versprechs, ich bitt dich schee',
 'Hab dir heut' noch viel zu saache',
 Aber nor dir ganz allee'.

„Nee, nee!“

Diendl, bist ma' guat a' bißl,
 Schiehst ma' 's Niecei heunt nit für,
 Schau die Nacht waar' lang zu'n Sterbn,
 Ließt d' mi' nit a' wen'g zu dir.

„Na, na!“

Der Dunscht am Champagnerglas.

Wann de frische' Champagner ei'schenke' thuscht,
 Den Wei' so luschtich un' lieb,
 So möcht' ich nor wisse' warum werd 's Glas
 Als wie vum e' Nebl so trüb?
 „Deß will ich d'r sage', sich! wann e' Ferscht
 Sich zeigt im Staat un' in Pracht,
 So wees' mer daß deß im Volk e' Gelaaf
 Un' viel Gasse' un' Uffsehe' macht.
 G' Jeder will's sehe' so gut als es geht,
 G' Jeder will sey' vornedra'
 Un' Kopp an Kopp anenanner gedrängt
 So staunt mer die Herrlichkeit a',
 Un' so is es aach do, wie e' neugierig Volk
 Is 's Wasser un' was drzu gehört,
 Sei' Kinner, die Dunscht, un' die sin überall
 In' der Luft als wie in der Erd.
 Un' wann so e' Ferscht an die Tafel kummt
 Als wie der Champagnerwei'
 Un' sie sehn 'n im Glas, so wolle' se all'
 Zum Gasse' die erschte' sey',

Un' do gucke' se, eens an's anner' gedruckt
 Un' git e' Gewerr un' Geschieb
 Un' deß is die Gschicht' un' deßwege' werd
 Natürlich 's Glas necher trüb.

Der Pfälzer und der Bayrischzeller.

(Pfälzisch und oberbay'risch.)

Pfälzer.

Gute' Morge', gute' Morge', ei sacht lieber Freund,
Wie heest dann der Berg, wo die Sunn druff scheint,
Der dort, wo so Felse' un' Löcher un' Stee',
Meiner Seel', lieber Freund, der Berg is nit schö'.

Bayrischzeller.

Der Berg waar nit schö'? dees verstehts Ges halt nit.
Es sei't ihm nix dem, seyds no' z'friedn damit,
Den haast mar 'n Wendlstva', steigts amal 'nauf,
'Kö sey', 's geht Enk nacher a' Liachtl auf.

Pfälzer.

Ja was soll dann do schö' sey', es wachst jo nix dra',
Un' mer sicht 'm die Wildheit von weitem schun a',
Un' weche' der pure' Aussicht allee',
Do käm' emm deß Grable' theuer zu steh'.

Bayrischzeller.

Ges wißt es halt nit, 's is wohl schö' in den Gwänd
Und a' Platz scho' a' raara, bal's oana recht kennt,

Es is dort a' Gartn, so fei' wie's oan' geit,
 Wo d' Almresn blühen in der Summerszeit
 Und der Enzian mit feini Glockn so blau
 Und d' Stoarautn, dees is a' wunderliebs G'schau.
 Und steigt na' auf d' Birsch um a' Gambsei 'nauf
 Und es rauscht aus die Laatschn an' Muerho' auf,
 A' Spielho', a' Haslhea'r, dees is a' Freud,
 Da werd ma' wohl frisch und da rührt si' a' Schneid,
 Und sicht ma' da drobe na' d' Sunn aufgeh',
 Da is ja d' Welt grad noamal so schö',
 Bal' s' o'scheint die Schneeberg weit drinn in Tyrol
 Und in Land draußn d' Ebnet vo' Nebi no' voll
 Und der Tag glaaslhoata, All's ruai und still —
 Und bal' nacher oana no' pro' denka will,
 Wie's anders is druntn, wo d' Leut anand plagn,
 Herr Bruada bitrachts und Ges werds nimmer fragn,
 Ob's ebba kunnt schö' sey' und lushti' da drobn,
 Mein' Kopf wollt i' wettn, Ges thaats es aa' lobn.

Pfälzer.

Die Gränk, was er schwärmt! — Er is jo e' Poet,
 Der sich uff e' Bschreibung gar prächtich versteht,
 So e' rehti idyllischi Mensche'natur,
 Er kummt alle' Schönheite' g'schwind uff die Spur,
 Wahrhaftich, Er sollt' emöl bei mer sey',
 Was er saache' thät zu de' Wingert am Rhei',
 Des is noch 'was anners, do wachst schun 'was,
 Daß mer sächt 's is der' werth un' mer hot aach 'n Spaß.

Die Berg voller Traube! ganz voll lieber Schatz,
 Un' mer braucht nit zu grabble' so toll wie e' Raß,
 Do geht mer spaziere', hübsch langsam enuff
 Un' find't e' schö' Summerhaus obe' d'ruff,
 Un' do sicht mer die Dampffschiff schwimme' drher
 Un' die fleene Mache' die kreuz un' die queer', •
 Un' mer hoßt aach nit trucka drbei, schenkt sich ei'
 Un' trinkt recht behaglich e' gut' Glas Wei', —
 Mit all' seine' Blümcher un' Schönheite' do,
 Was hot mer drvun? deß is nit e' so, —
 Der Mensch hot 'n Maage' un' nit umesunscht,
 Was thut der mit Blümcher un' Morge'dunscht!

Bayrischzeller.

Ja moants Ges, mir hungern? dees fällt uns nit ei',
 Da müaßtn in' Berg' foani Alma nit sey',
 Na na! so is's nit, denn dort ober die Bänd',
 Da hat d' Welt, mei' Lieber, no' lang foa' End',
 Da geit's a' schö's Gras, Kräutln aa' in der Blüh',
 Dees hoßt mer an' Alm und da grasn die Rüh',
 Ja die schönstn und daß mar a' Rua melcha fo',
 Gel' dessell wißt's ja do', und da lebt ma' davo',
 'Is lusti' dees Lebn, a' jeder hot's gern,
 Ko'st d' Sendrinn schö' singe' un' juchezn hörn,
 Weil 's es freut, bal' s' oan' sicht, der a' bißl was is,
 Und is oft a' schö's Diendl, dees tauget Enk gwiß,
 Kreuzlusti' und rühri' und frisch wier a' Hecht,
 Daß ma' glei' lieber bleibn als weitergeh' möcht'.

Schau, da hecst ei' der Hütt'n, brinnt's Fuiertl am Herd
Und 's Diendl bringt a' Milli und wie se si' g'hört,
Kocht an' Netzl und Nudl, dees ist grad a' Freud',
Und mi'n Eßn und Scherzn bringst uma dei Zeit,
Habts aa' ebbes selles, ha Landsmo', bei'n Enk? —

• **Pfälzer.**

Deß nit, aber wann ich an's Herbstmacha denk',
Do geht gar nix drüber, do tanzt mer un' singt,
Un' spetaklt sich! daß emm der Kopp schier verspringt,
Un' deß is zu hübsch, wann's so wimmelt un' wühlt
Un' so farbig im Grü' vun de' Rebe' 'rumspielt,
Do kommt so e' Leeserin, luschlich un' fix
Un' macht emm' manierlich 'n artige' Gnix
Un' offerirt Traube', mei' Schatz deß is sei', —

Bayrischzeller.

Nit übi', amal möcht' i' aa' dabei seh',
Denn d' Traubn, verstandn, die giebt's bei'n uns nit,
Grad d' Limonihandler die bringe 's oft mit
Von' welsch'n Tyrol, da hon i' s' wohl g'segn
Schö' bloob, aber ho' weiter nie foani mögn,
San ma' z' theuer gwest, nehma an' Zwölfer dafür,
Und da trinkt ma' do' lieber a' Paar Maaßl Bier.

Pfälzer.

Mei' geh mer ewech mit dem welsche' Tyrol,
Mer heest se' halt Traube, sie sin's nit emol,
Die wäffriche Dinger, do dank ich, nee, nee,
Do muß mer zu uns an de' Rhei' nunner geh',

Do wachse' jo Arte' (deß is nöch der Saag)
 Viel hunnert! deß langt nit, ja wann ich's 'm saag,
 Un' deß Kelterlebe'! deß is wohl e' Spaß,
 Do seht mer 'n Bachus nuff uff e' Faß,
 Ufs Moschtfaß, Dunner, do gits nocher Bränd'
 Daß sich oft eener drei Täg' nimmer fennt.

Bayrischzeller.

Wists was, i' laß handeln, 's fo' schö' bei'n Enk sey',
 Des schönst' aber, mirf' i', dees is halt der Wei',
 Und weil 's 'n gnua habts, 'no'! so schickt's mer oan' zua,
 Na' is glei' mi'n Dischpatirn a' Nua.

Pfälzer.

Is e' Wort, deß soll g'schehe', do kummts nit druff a',
 Aber Gens muß Er thu', un' do denk' Er m'r dra',
 Do drobe', juscht in denue' Löcher un' Stee',
 Wo ich um fe' Geld thät rischfire' die Bee',
 Dort muß Er mer trinke' e': Bivat die Palz!
 Versteht Er? —

Bayrischzeller.

Mei' ja, und i' denk' mer aa', b'halt's
 Und i' b'halt' meini Berg, denn wie guat aa' der Wei',
 Wann i' weg müßt' vo' die, na dees funnt' gar nit sey'!

Erläuterungen.

Agelin, Achelin, diminutiv von Augen.

ämöl, einmal und einst; im Zählen heißt einmal = eemol.

anre = andre.

bloß = bläst.

Boddm = Boden.

Borsch = Bursche.

bsunnri = besondere.

Buckl für Nacken.

derr = dürr.

drheem, reheem = daheim.

derßcht = darfst.

derwell = welcher, was für einer.

drun = davon.

Duf = Dose.

eeni, eens = eine, eines; ich weiß eine = ich weess eeni;

dagegen vor einem Hauptwort, z. B. eine Frau = e' Fraa,

in der Aussprache ein Mittel zwischen e und a.

Ges = Ihr.

emm = einem, z. B. es thut einem weh, wenn zc., es thut
emm weh.

empfinne' = empfinden.

Gnf = Euch.

- Berichte' = Fürsten.
 Graa = Frau.
 Froch, frocht = Frage, fragt.
 Fuierl = Feuer.
 gebat, g'hat = gehabt.
 geloffe' = gelaufen.
 gemeen = gemein.
 gemölt = gemalt.
 gemormlt = gemurmelt.
 geplantz = gepflanzt.
 git = giebt.
 glaaslhoota = spiegelheiter.
 Gorgl, Gorchl = Gurgel.
 Großmogl = Großmogul.
 Haslhea'r = Haselhuhn.
 heemlich = heimlich.
 heest, heest = heißt.
 Hersch = Hirsch.
 hot, hoscht = hat, hast.
 Humborg, Humborch = Homburg.
 hunnert = hundert.
 Huzle' = getrocknete Birnen.
 jo = ja.
 ke = fein, kenn = keinen, kenne = keiner, kenni = keine,
 kem = keinem.
 kleene, kleenschte = kleine, kleinste.
 knapp = eng, auch spärlich.
 Knopp, Knöpp = Knopf, Knöpfe.
 koa' = fein.
 koani = keine.
 Kopp = Kopf.
 Laatsch = Zwergführen.
 Landsmo' = Landsmann.
 List = List.

loß = lasse.
 mer = man.
 meent = meint.
 Meenz = Mainz.
 Meeschter = Meister.
 Maupe' = Capricen.
 nee = nein.
 nocher = nachher, hierauf (d'ruf).
 oana = einer.
 Perdche' = Pferdchen.
 peist = pfeist.
 Planz, Planzer = Pflanze, Pflanze.
 Bloch = Plage.
 reescht = reisest du.
 Rua, ruai' = Ruhe, ruhig.
 runner = herunter.
 röth, ich röth euch, = ich rathe euch.
 saach = sage.
 sächt = sagt.
 scheel = schieß.
 schlofe', Schlof = schlafen, Schlaf.
 schluppe' = schlüpfen.
 schmeise' = werfen.
 Sproch, Schproch = Sprache.
 schun = schon.
 selle = jene (plur.), seller = jener.
 sellemol = damals.
 sich! = sieh.
 Stee = Stein.
 Stiebbel = Stiefel.
 Stoarautn = Steinraute.
 Theel, Deel = Theil.
 trucke' = trocken.
 uf = auf.



verbunne' = verbunden.

weeß = weiß (v. wissen).

weller = welcher.

werscht = wirft.


Worze = Wurzeln, worzwech = wurzweg

Zaam = Zaum.


zappe' = zapfen.

Zichl = Zügel.











ermeier
binderel
Rottenburg

